

Atóá Bελε Súná Yohane

¹ Ini gyí atóá Bulu léha Yesu Kristo léle súná mu asúmpú tsú tóá íbéba nke ánfítò ɪwɪ ní. Yesu lówa Bulu-ɔbɔpɔ léba bele mú súná mu osúmbi Yohane. ² Yohane légyí tógyítá olowun ɪwɪ adánsiε. Olegyi Bulu asún ámu pó asún ání Yesu Kristo lébláa mu fée ɪwɪ adánsiε ɔnɔkwaliɔ. ³ Bulu obóyulá ɔhá ání ɔtekla mu ɔnósú ɔtáípú asɔn wanlínhé anfi súná Kristo ɔpasua ámu. Obóyulá ahá ání bɔtonú asún ámu, gyi dɪnká mósó é; tsúfé mó fée bábi lafɔn ta.

Kristo ɔpasua Asienó Amu Itsidha

⁴⁻⁵ Mí Yohane dé ɔwɔlú ánfɪ wanlín sísí Kristo ɔpasua asiená mliɔ Asia ɔmátó.

ɔhá ámúú oletsíá, ɔbu ɪwɔ, ɔbélaba amu muɔ ɔhɛ asienó ání bulí mu owíe obíá ansító pú Yesu Kristo bɔgyíi mli buale, abɔha mli iwilwii. Mɔgyí ɔdansiyin ɔnɔkwaliɔ, ogyankpapɔá ɔlɔkɔsú tsú afúlitó, ɔyító awíe féesú ogyípú.

Mɔtɔdwé anɪ, ɔlɔpɔ mu obugya ká anɪ nwunɔ ɪkɔ, sí anɪ lakpan kíe anɪ. ⁶ Alabwé anɪ mu iwíe ogyíkpá pú mu igyí ahapó ání abósum mu Sí Bulu. Numnyam múa túmi íbwéε mu kle bré fée! Amen.

⁷ Kɪ! ɔna nwɔlótáasɔ ɔbá! ɔhagyíɔha obówun mu. Ahá ámúú bɔwɔ mu pía amu kóráá bówun mu. Mu ɔwɔ ɔyító ahá fée bósu kóklókúú. Alí íbéba nɪ!

⁸ Anɪ Wíe Bulu léblí ɔbéε, “Mígyí Alfa múa Omega. Otúmípu amúú oletsíá, ɔbu ɪwɔ, ɔbéba amu nɪ.”

Kristo Le Súná

9 Mí, mli píó Yohane ni. Mía mlynɔ dé ipian wúun Yesu pó Bulu iwíegyí ámu sv, anidé iklon nya líí kínkín. Bulu asón ɔkanda pó Kristo iwí asónblí sv balé mí ya Patmo ɔpu nsiné ɔsolósv. ¹⁰ Eke ɔkóá igyi aní Wíe eke á, Bulu Ɔhé léba mɔsv. Nonu ɔme kv, ɔlɛlun kóklókóú fé ɔkpe ɔtsáwɔle pé mí ɔma. ¹¹ Ɔme amɔ ɔbéé, “Wanlin tóá fɔdewúun wa ɔwólótó, afɔpɔya Kristo ɔpasua asienó, bɔgyi Efeso, Smirna, Pergamo, Tiatira, Sardi, Filadelfia pó Laodikea.”

¹² Bréá nedamlí mbéé anki ɔhá aní ɔde mí asón bláa a, nowun sika pepe ɔkandíe-oyíá ɔbu abámbi asienó. ¹³ Ɔha ɔkóá ɔlɛlian Nyankpɔsa-Mv-Bi ámu líí ɔkandíe-oyí ámu nsiné. Ɔlɔwa ligá, ɔlɔpu sika pepe ɔfé tsan mv kántó. ¹⁴ Mv nwun pó mv imi féé lofulí fé opuli mpútó ntée ɔhráda. Mv ansibi aklambi é lɔwankí fé ogyá mpumpi. ¹⁵ Mv ayabi de ogyá kpa fé kɔɔbri aní bafwí mó lé ogyátó ɔnɔnɔ. Mv ɔme idetsulá fé ntsuá ɔdekpa yi. ¹⁶ Ɔde ntsrakupabi asienó mv gyɔpɔtɔ. Ɔdayí ɔya anyɔ kláklá ledali tsu mv ɔnótó. Mv ansító ihíé dɛwankí fé ɔpawi. ¹⁷ Bréá nowun mv a, nemlí bun mv ayabiasí fé ɔha wuhé, támɛ ɔlɔpu mv gyɔpɔ ɔbi dínká mísó, blí ɔbéé, “Mánya ifú! Mígyí Ogyankpapu móa Ɔtráhe amv ni. ¹⁸ Mígyí ɔkɔankpapu amúv nowu ámu ni. Kí, mbv nkpa bré féétó! Mbv túmi lowu móa afúlitɔsv.

¹⁹ “Wanlin tóá fawun bɔtson, móá ɔdebá séi pó móá ɔbéba ɔma wa ɔwóló ámɔtɔ. ²⁰ Ntsrakupabi asienó amúv fowun mí gyɔpɔtɔ pó sika pepe ɔkandíe-oyí abámbi asienó ámu asi ní. Ntsrakupabi asienó ámu igyi ɔpasua asienó ámu abɔpu. Ɔkandíe-oyí abámbi asienó ámu é gyí ɔpasua asienó ámu.

2

Efeso Ɔpasua Nkla

¹ “Wanlin asón ánfí sísí Akristofó Ɔpasua ání ɪbu Efeso wúlutó ɔbɔpu fɛɛ,*

“Ɖhá ámúú ɔde ntsrakpabi asienó mu gyɔpɪtɔ, ɔna sika pepe ɔkandíe-oyí abámbi asienó ámu nsiné ámu ɔbéɛ: ² Nyin tóá fudebwe féé. Nawun alíá fuhíé fude agyómá yɔ, pú alíá fude nsi wa líí kínkín. Nyin ání futamakle aha laláhe asón. Fakápú ahá ámúú bude amú ɪwɪ tɪ Kristo sumbí ayɔpó ámu, wun ání afunupu bɔgyi. ³ Fotomi wun ipian mí sɔ, fómeyinkí ɔma. ⁴ Táme asón kule péá mbu fú ɪwɪ gyí, ɔdwe ɪtráa ma mía fonyɔ ntée fóa fú aba nsiné fé gyankpapu amv. ⁵ Mú sɔ kain alíá tekɪ fɔgyi asa fadɪda. Damli klɔntɔ, afulatsia fú atsiábi. Ní megyí alí á, néba beɛ fú ɔkandíe-oyí ámu lé mú aba Ɔpasua atráhe amvɔ. ⁶ Táme toku kuleá ɪbu alé fú ɪwɪ gyí, futamakle Nikolai abúopu bwehé laláhe amv, fé alíá mí é ntamakle mú.

⁷ “Ɖhá ání ɔbu asv onúu asvɔn ání Ɖhe Wankíhé amv dé Ɔpasua ámu bláa asɪ. Néha ɔhá ání olegyi ɪsv obégyi Paradiso ndobítɔ oyí-abí ámúú ɪtɛhá nkpa ámu.”

Smirna Ɔpasua Nkla

⁸ Ɖɪetrá bláa mɪ ɔbéɛ, “Wanlin asón ánfí sísí Akristofó Ɔpasua ání ɪbu Smirna wúlutó ɔbɔpu fɛɛ,

“Ɖhá ámúú ogyi Ogyankpapu múa Ɖtráhe, olowu lákúsó tsú afúlítɔ ámu ɔbéɛ: ⁹ Nyin fú ipian wunhe pú ohian ání fudegyí, táme fɔbv ató! Nyin alíá Ɔpasua ámúú bude ɪwɪ kí beɛ, Yudafó bógyi ámu

* **2:1** Ɖbɔpu anfi gyí Bulu-ɔbɔpuá ɔlí há Ɔpasua ámu ni. ɪbu nfi múa 2:8, 12, 18; 3:1, 7, 14 étó.

bude afunu wa dínká fósó. Megyí Yudafó bógyi, Ɖbunsám abúopu ɔpasua bogyi. ¹⁰ Máha ipian ání íbéba fusu ɪwa fó ifú. Nde fó bláa, Ɖbunsám ɔbéha békítá mlitɔ aku tswi obu. Ɖbósɔ mlɪ kɪ. Bédínká fósó nke dú. Ní lowutɔ ígyi ó á, fó mó wa ɔnɔkwali. Néha fó ɪsɔgyi-ɪpa, igyi nkpa ání itamatá.

¹¹ “Ɖhá ání ɔbu asu onúu asun ání Ɖɛ Wankíhé amu dé ɔpasua ámu bláa asi. Ɖhagyíɔha ání olegyi ɪsu á, lowu nyɔɔsi amu iméeda mu.”

Pergamo Ɖpasua Nkla

¹² Ɖletrá bláa mi ɔbéɛ, “Wanlun asón ání sɪsɪ Akristofó ɔpasua ání ɪbu Pergamo wúlutɔ ɔbɔpu fɛɛ,

“Ɖhá ámúú ɔbu ɔdayí ɪya anyɔ kláklá ámu ɔbéɛ:

¹³ Nyin ání fɔtsie ɔtínéá Ɖbunsám owíe obíá itsie, táme fude fó hógyitɔ kínkíínkín. Bréá bɔmɔ mí adánsɪe ogyípú ɔnɔkwaliɪpu Antipa mlɪ wá ɪno kóráá á, fɔmekpa mí ɔma. ¹⁴ Táme mú ó á, mbu fó ɪwi asón kpalobí kv. Mlitɔ aku bubuo Balaam amúú olosuná Balak† alíá ɔbóbwe Israelfó bóbwe lakpan, ɔleha amú betsiá wá atsi múa ayin asón, tsíá gyi ɔkpɪtɔ-ató ámu. ¹⁵ Alɪ kén aku bubu mlitáá bubuo Nikolai atosunáhé ni. ¹⁶ Mlɪdamli klɔntɔ. Ní megyí alɪ nóbofwie mlitɔ, pú mí ɔnótó ɔdayí ámu kó amú.

¹⁷ “Ɖhá ání ɔbu asu onúu asón ání Ɖɛ Wankíhé amu dé ɔpasua ámu bláa asi.

“Ɖhagyíɔha ání olegyi ɪsu obégyi atogyihɛ amúú bɔpuɛáín ámu kv. Nétrá ha okugyíɔkv ɪbwi futútúá bɔwanlín ɪdá pɔpwe dínká músó. Mu nkɔle ɔbébɪ dá ámu. Ɖhaa méebɪ mú tsía mutɔ.”

Tiatira Ɖpasua Nkla

† **2:14** ɪni bu Numeri 22–24tɔ

18 Ɔletrá bláa mi ɔbéε, “Wanlun asún áni sɪsɪ Akristofɔ ɔpasua áni ibu Tiatira wúlutɔ ɔɔɔpu fεε,

“Bulu mu Bi ámúú mu ansíbi igyi fé ogyá ɔdandu, mu ayabiasɪ igyi fé kɔɔbrɪ áni bapówá ogyá, plú mú iwɪ ámu ɔbéε: 19 Nyin fú bwehé féé. Nyin fú ahádwe, fú hógyi, fú osum agyómá pú fú nsiwa lí kínkín. Nyin áni fudebi bwé dɔn gyankpapu amu. 20 Táme asún áni mbu ha fú gyí, fahá ɔtsɪ ámúú butetɪ mu Yesebel, ɔde mu iwɪ ti ɔbéε, Bulu ɔnású ɔɔɔpú amu dépu mu atosunáhé mlé mí asúmpú, bude atsi móa ayin asún wa, bude ɔkpitɔ-ató é gyí. 21 Naku mu ansító áni ɔbedamli kluntɔ bobuo Bulu, táme omedékléá obési mbuatɔ. 22 Mú su néda mu, wá mu ilo. Obówun ipian. Ní muva ahá ámúú bude muva tɔ ámu é bumesi, lé iwɪ lé mótó á, néha amú béhiε wun ipian. 23 Nómɔ mu abúopu amu. Akristofɔ ɔpasua féé bébi áni mígyí ɔhá ámúú otowun ahá kluntɔ pú amú nwuntɔ asún ámu ni. Néka okugyíɔku ikɔ mu bwehé ɔnɔ.

24 “Táme mli aha tráhe áni mlilasí mlibu Tiatira wúlutɔ, mlimóbuo ɔtsɪ ámu atosunáhé amúú bude mú ti ‘Ɔbunsám asun ηáínhé’ amu mú á, mmóɔpu ato sɔráhé kuku sɔrá mli. 25 Táme mlikita mí atosunáhé amúú mlibu amutɔ kínkíínkín yófun bréá néba. 26 Néha ɔhá áni olegyi tógyítású, ɔletali bwé mí apé yófun ɔyí ɔnómáké túmi, obégyi ɔmá féésú. 27-28 Ɔbékpa amú owuntɔlɪnsu, bwíébwíε amú blúblúblú fé abua. Obénya túmi ámúú mí Sí lɔpɔhá mí ámu odu. Nɔpu mu bake ɔsrakpabi há mu, púsúná áni alagyi isu.†

29 “Ɔhá áni ɔbu asu onúu asún áni Ɔhe Wankíhé amu dé ɔpasua ámu bláa asi.”

† 2:27-28 Israelfɔ Ilo 2:8-9

3

Sardis Ọpasua Nkla

¹ Ọlẹtrá bláa mi ọbée, “Wanlín asún ánfí sí sí Akristofọ ọpasua ání ọbọ Sardis wúlutọ ọbọpọ fẹe,

“Ọhá ámúú ọbọ Bulu Ọjé asienó pọ ntsrakpabi asienó ámú ọbée: Nyin fọ bwehé fée. Fọbọ idá ání fọkí nkpa, táme fawú fóna. ² Mú sọ tsinki, afọwa fọ atọ tráhe amọ ọwọnlín, tsúfẹ idekléá iwu. Nawun ání fọ bwehé lesian mí Bulu ansító. ³ Mú sọ kain tóá bosuná fọ pọ mọá fonusọ. Gyi mósó, afọdamli klontọ. Táme ní fọmetsinkí á, nóbofwie fótó fẹ owikplu, fóméebi bréá néba. ⁴ Táme aha akọ bọbọ wúlu amọtọá bọmọkọkpọí amọ atadiẹ.* Bọwa atadiẹ futútú, mía amónyọ abénatí, tsúfẹ bafọn. ⁵ Néha ọhá ání olegyi ọsọ ọbọwa atadiẹ futútú. Mméesitsii mọ idá lé nkpa ọwọlọ amọtọ. Néblí mí Sí mọa mọ abọpọ ansító mbée, míbọ mọ.

⁶ “Ọhá ání ọbọ asọ onúu asọn ání Ọjẹ Wankíhé amọ dé ọpasua ámú bláa así.”

Filadelfia Ọpasua Nkla

⁷ Ọlẹtrá bláa mi ọbée, “Wanlín asún ánfí sí sí Akristofọ ọpasua ání ọbọ Filadelfia wúlutọ ọbọpọ fẹe,

“Ọhá ámúú ọlọwankí, ọtamawá afunu, ọde Owíe Dawid sáafi, ofinkí ọhaa tamatálí fin, ofin é ọhaa tamatálí finkí ámú ọbée: ⁸ Nyin fọ bwehé fée. Kí, nafinkí obu yáí há fọ. Ọhaa méetalí fin mú. Nyin ání fọma ọwọnlín, táme fagyi mí atosunáhésọ, fómekpa mí ọma. ⁹ Ọbunsám abúopọ amúú bọde afunu wa bẹe, Yudafọ bọgyi ámú a, néka amú híe béba bẹda akpawunu fọ ayabiasí. Amú fée bébi ání ntọdwé

* **3:4** Bọmọkọkpọí amọ atadiẹ así gyí bọmọkóbwé lalahe.

fó. ¹⁰ Fagyi mí asónsú, fanyá klun líi kinkíínkín. Mú su néle fó lé ipian ámúú nópúso ayító ahá fée ki amotó. ¹¹ Ki, nebá ní. Mú su kítá itó ámúú fóbú amotó kinkíínkín, méní zhaa móhó fó usugyi-ípa lé fó ibitó. ¹² Zhá ání olegyi isu á, nópú mu bwé mí Bulu otswékpa obu ámu otan. Zméetrá dalí inu ekekekeke. Nówanlín mí Bulu idá dínká musu. Nówanlín mí Bulu wúlu, igyi Yerusalem pəpwe amu idá dínká musu. Wúlu ámúú íbékplí tsú asúsú mí wá ba amu, nówanlín mí onutó idá pəpwe amu é dínká musu.

¹³ “Zhá ání zbu asu onúu asun ání Zhe Wankíhé amu dé zpasua ámu bláa asi.”

Laodikea Zpasua Nkla

¹⁴ Zetrá bla mi zbéé, “Wanlín asón ánfí sísí Akristofó zpasua ání íbu Laodikea wúluto zəpú fée, “Zhá ámúú butetí mu Amen, mu só Bulu asón fée íteba mótó, ogyi zdansiyin zəkwalipú, ztamawá afunu, ogyi Bulu ató bwehé fée nwun ámu zbéé: ¹⁵ Nyin fó bwehé fée. Fumebli ogya, fómolwíí é. Ní febli ogya ntée folwíí á, tekí íbu alé. ¹⁶ Táme fugyi bwíánbwíán, fumebli ogya, fómolwíí é. Mú alí su nótu fó tsítsá. ¹⁷ Fée, ató onyapó fugyi, fóbú ató. Tətə médé fó hián, táme fuma tətə, fumeyín ání ohíáni fugyi. Fubú nwe, fó ansíbi labwíé, fóna yayá. ¹⁸ Mú su ndetáí kplá fó mbée, pú kóba bəhó sika pəpéá bafwí mú ogyátó mí wá. Mú zbéha fénya ató onutónutó ní. Ntráa nde fó bláa mbée, fubóhó atadié futútú, afəpətin fó péli múa fó yayá ámu. Bəhó afá da fó ansíbísu, méní fówun ató. ¹⁹ Ahá ání ntədwé á, amú ntəwá iyun wa, bítí amú isu. Mú su wa nsi, afudamli kluntó. ²⁰ Ki, nlí obu-znó, nde agoo tswí. Ní zku lónu mí zme, olefinkí há mí á, nébitíwíé mu wá, mía munnyə abówa íbú gyi ató.

21 Ǿhá ání olegyi isv á, néha mv obétsiá mí wá, mí owíe obíá ámvsv. Alí kén mí é negyi isv, ntsie mí Sí wá mv owíe obíá ámvsv ní.

22 “Ǿhá ání Ǿbv asv onúu asv oní Ǿhe Wankíhé amv dé Ǿpasua ámv bláa así.”

4

Ǿsósó Bulusúm

1 Iní Ǿma a, nelawun ató bámbá. Nowun ání obu lafinkí Ǿsósó. Nelanú Ǿme amúv ilegyankpá bláa mī asón ámv. Ǿme amv igyi fé Ǿkpe. Ǿlebláa mī Ǿbée, “Dv ba nfi, mí ansuna fú tóá ilehián ání íbéba íni Ǿma.” 2 Bulu Ǿhé leba mísó Ǿtsáwvle pé. Múá nówun a, owíe obíá kv tsie Ǿsósó mv, Ǿkv tsie mósú. 3 Ǿhá amúv otsie mósú ámv íwí dé ogyá kpa fé abwi wankláán kvá igyi pépe múa futútú. Mú Ǿtinekv é igyi fé nyankpvtáa, íde ogyá kpa bomlí owíe obíá ámv fé íbwi wankláán kvá igyi fitáa bǾbvwe.* 4 Owíe-mbíá advanyǾ-na itsie bomlí owíe obíá ámv. Ahande advanyǾ-na bǾwa atadie futútú bvt sie mbíá ámvsv, bvbun sika pepe ípa. 5 Inv nyankpv lówa íbí fwí bí. Odekpíe, Ǿpráda depvtí dáli owíe obíá ámv. Íbia asienó ílí owíe obíá ámv ansító, ídetsíí. Mógyí Bulu Ǿhé asienó ámv ní. 6 Nowun gláasi Ǿpv kvá mósú íde ogyá kpa fé atsufolibi, ída owíe obíá ámv ansító.

Mbví akvá bvki nkpa ana, ansíbi iduadúa amú nkpa múa Ǿma féé, bobomlí owíe obíá ámv Ǿbv nsvné mv. 7 Amútó ogyankpapv gyí fé gyatá. OnyǾǾsv gyí fé Ǿnantswíe yínhé. Ǿsaasi ansító igyi fé nyankpvsa, Ǿnaasi é gyí fé oyitsu ání odefulí.

* **4:3** Ibwi futútú ámv dá gyí ánfí yaspa. Pépe amv dá gyí kanelia. Fitáa bǾbvwe amv é dá gyí emerald.

⁸ Okugyíakw bu abámba asie, ansíbi iduadúá mótó móa mú oma fée. Bude lu wa opa onyé bee,
 “Wanki, wanki, wanki gyí aní Wíe Bulu Otúmípu.
 Molétsiá, otsie, obélaba.”

⁹ Mbwi ámu butawá lu ámu, pú numnyam, obú móa ipán há ohá ámú otsie owíe obíá ámu, omóowu ekekeke ámu. Ní bəbwé mú alí á,
¹⁰ ahande adwanyə-na ámu é bamlí bun ohá ámú otsie owíe obíású ámu ansító súm mu. Móbúu inu bré féeótó ni. Fówun babwíí amú owíepa ámu tswi obíá ámu ansító blí bee,

¹¹ “Aní Wíe pú aní Bulu!

Fólehián aní abópu obú, numnyam móa túmi há,
 tsúfé fólóbwe ató fée. Fəbwe tógyító fú apétó.
 Mó fée ulaba mótó.”

5

Okúfabi Amv Létii Owóló Amv

¹ Iní oma a, nowun aní ohá ámú otsie owíe obíá ámu ámu dé owóló kúntáhé mu gyəpito. Bəwanlín ató dínká mú nkpa móa mú oma fée, bəpu okpin tan mú onó tse sienó. ² Inu nowun Bulu-obəpu otúmípu akwá odekplón fité obée, “Ma lófən aní obémaín ató asienó ánfí, tí owóló ámu onó?” ³ Bomenya ohaa əsós ntée əsolósu ntée əsolóv ayasí aní obétalí tí mú onó, kla mú. ⁴ Iní su nehie su, tsúfé bomenya ohá aní ələfən, obétíi owóló ámu ntée obékla mú. ⁵ Inu ahande amuto əkole lébláa mi obée, “Mátrá su. Kí, Yuda abusuantə Gyatá, ogyi Owíe Dawid mu na ámu lagyi isv. Ələfən aní obémaín ató asienó ámu, tí owóló ámu onó.”

6 Inu nowun Okúfabi òku. Ilélian ání bapú mu há igyí ki. Òlú owíe obíá ámu, akiankparu ana ámu pú ahande advanyo-na ámu nsiné. Òbu nsiebí asienó pú ansíbi asienó. Mu ansíbi asienó ámu gyí òhé asienó ání Bulu tǎwá sísí òsulúv anfisv òtíneyíáííné ni. ⁷ Okúfabi amv lédali ba nkpa, òbòbòhò òwulò ámu lé òhá ámúv otsie owíe obíású amv gyòpítò. ⁸ Inu mbwí ámúv buki nkpa ana ámu pú ahande advanyo-na ámuvò okugyíòku lémlí bún Okúfabi amv ansítò. Okugyíòku dé òsankuo pú sika pèpè blanwébi ání òhíén bò mú. Bulu ahá mpái gyí òhíén ání. ⁹ Akiankparu ana ámu pú ahande advanyo-na ámu bude ilv pòpwe wa bée,

“Fólófvn ání fótso òwulò ámu,

máín ató asienó ámúv bòputan mú ònó ámu.

Tsúfé bòpu fú há igyí, fòpu fú obugya hò ahá há Bulu.

Fòhò ahá abusuangyíabusuan, òblígyíòblí,

òmágyíómá pú òsulúsv ahá òtsan-òtsan féeétò.

¹⁰ Fayáí fú iwíe ogyíkpa há amú, fabwé amú fú igyí ahapó ání bétsiá há aní Bulu ámu igyí.

Bégyi iwíe òsulúsv.”

¹¹ Nelaki, nonu Bulu-abòpu tsòtsòtsò òmè. Bòhíé bòtsò ání boma ìklátò. Bòbomlí owíe obíá ámu móa akiankparu amv pú ahande advanyo-na ámu.

¹² Bòpu òmè kpònkpònkpòntì wá ilv bée,

“Okúfabi amúv bòpohá mu igyí ámu lófvn

ha túmi, iwínya móa

nyánsa pú awútò òwònlín,

ìdayilé móa numnyam pú kanfó.”

¹³ Inu nonu atóá Bulu lóbwe fée òmè. Múá ilv òsú móa asì, òsulúv ayasì pú òputò fée, bude ilv wa bée,

“Kanfó, ìdayilé, numnyam pú túmi fée

ìletsíá òhá ámúv otsie owíe obíású amv

pú Okúfabi amu bré fée!”

¹⁴ Múú akiankpapu ana ámu beblí beε, “Amen!” Inu ahande aduanyo-na ámu bemlí bun súm Bulu muva Okúfabi amu.

6

Okpin Asienó Amu Maín

¹ Mí ansító inu á, Okúfabi amu lémaín atọ asienó ámúú bọputan ọwulú ámu ọnó ámutọ kule. Inu nonuá akiankpapu ana ámutọ ọkule léle ọnó. Mu ọme lelun fé ọpráda ọbéε, “Ba!” ² Neki a, ọponko futútú ọku ní. Musu odinkápú amu dé ita, bobun mu owiepa. Ọlọpu ọponko ámu kplí ba ọsulọsu fé isu ogyípúá ọtráa ọbá bọkọ isá tsọtsọtsọ, ọtra gyi isu.

³ Bréá Okúfabi amu lémaín atọ nyọasıá bọputan ọwulú ámu ọnó á, nonuá akiankpapu amutọ onyọası léblí ọbéε, “Ba!” ⁴ Ọponko pepe ọku lédalı ba. Beha musu ọdinkápú ọdayí iya anyọ títín kú. Beha mu túmi ání ọléε iwilwii le ọyító. Mú su isá lẹda ọtíneyíótíné, ahá bọmọ aba.

⁵ Bréá Okúfabi amu lémaín atọ saasıá bọputan ọwulú ámu ọnó á, nonuá akiankpapu amutọ ọsaası léblí ọbéε, “Ba!” Neki a, ọponko bibi ọku ní. Musu ọdinkápú amu dé skéeli. ⁶ Inu nonu ọme kú lédalı tsu mbwí ámúú bọtsie nkpa ana ámutọ ọbéε, “Ayó olónká kule ntée imọ olónká asa ibọbwe ekewóle ikaká.* Táme máyintá nfọ múa wáin-nyí mú.”

⁷ Bréá Okúfabi amu lémaín atọ naasıá bọputan ọwulú ámu ọnó á, nonuá akiankpapu amutọ ọnaası léblí ọbéε, “Ba!” ⁸ Inu nowun ọponko ọkúá mu iwí igyi fé nsúó. Musu ọdinkápú amu idá gyí Lowu.

* **6:6** Ilosuná ání isá su atọ béhε wá ibiá.

Afúlitò é buo mu. Beha amó túmi ání ní beye oyító aku ana á, bumóo iku kule. Bopúu odayí iya anyo móa akón, ilo móa osólósu mbwíkítá-ato mō amó.

⁹ Bréá Okúfabi amu lémaín ató nuusiá boputan mó onó á, nowun Bulu asóntó akítápó amu oklāa afodiε-asubwi amu ayasi. Bulu asón ámu iwí adánsiε gyí su bōmō amó. ¹⁰ Inu bōsurá okitikí kóklókúú bεε, “Oo! Bulu Otúmípu, fú iwí lōwankí, fóbú onakwali. Omenke fégyi osólóu anfiεu ahá asón, fité aní obugya tsú aní amōpó ámu wá?” ¹¹ Mú oma a, beha amó féé ligá futútú, beblāa amó bεε, butráa tsia kpalobí. Botsía yófon bréá bamó amó aba asúmpó ahógyipu amu é, amó oduduo lafon asa.

¹² Bréá ndekú a, Okúfabi amu lémaín ató siesiá boputan owóló ámu onó. Osólóu lekpinkí kóklókúú, owí lebi tuun fé tati bibi, otsra é lεpe kōo fé obugya. ¹³ Múú ntsrakpabi bekpakpāa bun osólósu, fé afú kpōnkpōnkpōnti látsun kpakpāa pōnto-abiá imakódan bun. ¹⁴ Nwólótāa lokuntá fé owóló, tsú mó náti. Abu móa opu nsiné osólóu féé ledali mó otsiákpá. ¹⁵ Inu nowun ání oyító awiε pú ahandε pú isá onó alípu pú asikafō pú atúmipu, nkpabi móa iwisu atsiápu beyéñáin abusu abwi alato pú abwi mbótó. ¹⁶ Beblāa abu móa abutá ámu bεε, “Mlikpa bun anisu, méni owiε obiású otsiápu amu omóowun aní, Okúfabi amu oméebiti aní iwó! ¹⁷ Tsúfé amó ahá iwóbiti εke ámu lafon. Ma obétali líí mó onó?”

7

Bulu Ahá Mpim Lafakε Advana-na (144,000)

¹ Inu oma a, nowun Bulu-abopu ana, bulú oyí afonka ana ámu féésó. Bude afú afonka ana ámutó

kínkíinkín, ménı uméetrá tsun ɔsolósu, ɔpusu ntée oyí kuku. ² Inu nowun ání Bulu-ɔbɔpu bámbá dédalı tsu owí ɔdalıkpa. Ɔde Bulu Ɔkiankpaɔ atáá ɔtɔpóhíe mu ahá nsu. Múú ɔlɔsɔrá okitikíti kóklókókú kpólí abɔpu ana ámúú Bulu léha amú túmi ɔbée, bubéyintá ɔsolósu móa ɔpu amu. ³ Bulu-ɔbɔpu amu lébláa Bulu-abɔpu ana ámu ɔbée, “Mlimáyintá ɔsolósu ntée ɔpu ntée oyí kuku, yófun bréa nópɔ ató híe mí Bulu asúmpó ɔsukpi nsu asa.” ⁴ Inu bekla ahá ámúú bapú Bulu ató híe amú nsu amu fée. Amú ɔɔɔɔɔ bɔgyi ahá mpím lafakule advana-na (144,000). Amú fée bɔtsú Israel abusuan dúanyɔ ámɔtɔ. ⁵⁻⁸ Behíe ahá mpím dúanyɔ (12,000) nsu abusuan ámu kugyíkɔtɔ. Abusuan ámu adá gyí, Yuda, Ruben, Gad, Asa, Naftali, Manase, Simeon, Lewi, Isakar, Sebulon, Yosef pú Benyamin.

Ɔɔm Aní Bɔtsú Ɔmá-ɔmátó

⁹ Inı ɔma a, nowun ɔɔm kuá ɔhaa méetali kla amú. Bɔtsú ɔmágyíɔmá, abusuangyíabusuan, ɔsolósu ahá ɔtsan-ɔtsan pú ɔblígyíɔblítɔ. Bulí owíe obíá ámu pú Okúfabi amu ansító. Bɔwa ligá futútúútú, buɔde mbláa. ¹⁰ Bɔsɔrá okitikíti kóklókókú beɔ, “Anı Bulu ámúú otsie owíe obíású pú Okúfabi amu tóhɔ ahá nkpa!” ¹¹ Inu á, Bulu-abɔpu amu fée belí bómlí owíe obíá ámu pú ahande advanyɔ-na ámu pú akiankpaɔ ana ámu. Bemlí bun, pú ansító bun ɔsolótɔ owíe obíá ámu ansító, súm Bulu, ¹² blí beɔ, “Amen! Ikanfú, numnyam, nyánsa, ipán, obú, túmi pú ɔwɔnlín ıbwée mu kle bré fée! Amen!”

¹³ Inu ahande amɔtɔ ɔkole léfité mí ɔbée, “Amendı gyí ahá ánfı bɔwa ligá futútúútú ánfı? Nkónó bɔtsú?”

¹⁴ Múú nebláa mu mbée, “Ɔhande, fó yín.”

Móú ọlẹbláa mi ọbée, “Ahá ánfí gyí ahá ání batson ason wunhe kp̄ankp̄antí ámutọ dálí nì. Amó láfíwí amó atadiẹ Okúfabi amu obugyatọ, ọlafúlí futútúútú nì. ¹⁵ Mó sọ bulí Bulu owíe obíá ámu ansító, bọde mu súm ọpa-onyé mu ọtswékpa inu nì. Ọhá ámúbú ọtsie owíe obíá ámu sọ é obétsiá amótó, bún amúsú. ¹⁶ Akón múa ọmewólí méetrá kítá amú, owí ntée ọpawí é iméetrá tọ amú. ¹⁷ Tsúfẹ Okúfabi amúbú ọlí Bulu owíe obíá ámu así ámu ọbóbwe amú ọkparú. Obégya amú nkpa, kpá amú ya nkpa-ntsu ámu ọwíkpa, aní Wíe Bulu obétsitsii amú ansí ntsú fée.”

8

Okpin Sienósí Amu Main

¹ Bréá Okúfabi amu lémain atọ sienósíá bọputan ọwólú ámu ọnó á, ọsúsú lólóá fẹ d̄onhwírí-fun. ² Inu nowun Bulu-abọpu asienó ámúbú bulí mu ansító ámu. Beha amótó okugyíọku ọkpe.

³ Bulu-ọbọpu bámbá lébá belí afọdiẹ-asubwi amu ansító. Ọde sika pepe blanwébi ání butawá ọhíén ogyá mótó. Beha mu ọhíén tsotsọtsọ, ọlọputsiá Bulu ahá mpáitọ, pọyéḍinká sika pepe afọdiẹ-asubwi amúbú iyi owíe obíá ámu ansító ámu sọ. ⁴ Mu ọhíén ámu ogyási letsíá Bulu ahá ámu mpáitọ, kósú tsú afọdiẹ-asubwi ámu sọ yó Bulu ansító. ⁵ Inu Bulu-ọbọpu amu lótsu ọhíén blanwébi ámu, ọlẹlẹ ogyá afọdiẹ-asubwi ámu sọ wá mótó, fun mó dá ọwóló sọ. Inu nyankpu lówa ọbí fwí bí. Odekpíe, ọpráda deputí, ọmẹ ọtsan-ọtsan delíun kóklókúú, ọwóló sọ é dekpínkí kpakpakpakpa.

Ikpe Asienó Amu

⁶ Bulu-abəpu asienó á múú bude ikpe asienó á mu é beda iwisu há mú folí.

⁷ Bulu-abəpu gyankpapu lófolí mu əkpe. Múú botsu atsufolibi múa ogyá ání obugya lefráa mú, tswi mú wólí əsulósu. Ní beye əsulótə asa á, mútə iku kule múa músú nyí pú músú ífá féé ləhə plíplíplíplí.

⁸ Bulu-abəpu nyəəsí lófolí mu əkpe. Inu bətswi təkú fé ɪbu kɔ̀nkpɔ̀ntiá ɪdehə́ wá əputə, əputə yéé asatə ɪkule ledamlí obugya. ⁹ Əputə mbwíá buki nkpa féétə yéé asatə iku kule bowu, ntsusu ayibitə yéé asatə iku kule é lobwiebwíe.

¹⁰ Inu Bulu-abəpu sáásí lófolí mu əkpe. Ətsrakpabi kɔ̀nkpɔ̀nti kúá ɪde ogyá tsií fé obia lékpa tsú əsúsu beda ntsu tsunheá ɪbu əyítə féétəye asatə iku kulesu. ¹¹ Ətsrakpabi amu dá gyí “Əkitá.” Inu ntsu tsunhe amətəyéé asatə iku kule lówa əkitá dən əkpín. Mú əkitá su ahá tsətsətsəá bonu mú bowu.

¹² Əbəpu náásí lófolí mu kle. ɪləwə owí múa ətsra pú ntsrakpabitə yéé asatə iku kule. Mú féé lodun. ɪni su əyi kehe múa owi tahétə yéé asatə iku kule é loklun.

¹³ Neki a, oyitsu əku défulí, odesú kúklúkúú əbée, “Ahá ání bétsiá əsulóv anfisú asa Bulu-abəpu asa atráhe amu bófolí amú nkpe amu bugyówi tsenyətsesa!”

9

¹ Bulu-abəpu núúsí lófolí mu əkpe. Nowun ání ətsrakpabi lékpa tsú əsúsu beda əsulósu, bəpu ɪlán klúklúúklúá ɪma əka sáafi há mu. ² Múú olefinkí ɪlán klúklúúklú ámu ənə, ogyási ledalí mútə fé obuntə. Ogyási amu ɪleha nsaintə féé ilebi tuun. ³ Inu atsantsanku bedalí tsu ogyási amətə ba əsulósu. Beha amú túmi beə busóra ahá fé nyankpəkpíe.

⁴ Bebláa atsantsanku ámu beε, bumápu ɔnó da ífá ntée nyí kuku, dun ahá ámú Bulu nsuhieto medín amú ɔsukpi amu. ⁵ Bumeha amú ɔkpa ání bumáo amú, táme bwhie wa amú iwiasin tsra anu kéké. Amú iwiasin ámu íbwé fé aliá nyankpukpie-surá tɔhɔ ɔsin. ⁶ Ahá bódunká lowu nke ámɔtɔ, táme buméenyá. Bóbɔ mbódí ání bówu, táme bumóowu.

⁷ Atsantsanku ámu belian mpɔnkɔá bahíhie amú há isá, tɔku idin amú nwunsv fé sika pepe ipa. Bɔwa anyánkɔsa ansító. ⁸ Amú nwunsv-imi bu iswí fé ɔtsi klé. Amú ayín é igyi fé gyatá klé. ⁹ Bɔwa kántó atíntɔ ání bɔpu dátɔ bwé. Ní budefulí á, amú ate totsúlá fé mpɔnkɔ múa keké tsɔtsɔtsɔá busrí bɔyó isá. ¹⁰ Bubu odú, itasúra fé nyankpukpie. Beha amú túmi beε, bɔpúu amú odú ámu pilan ahá tsra anu kéké. ¹¹ Uán klúklúúklúá ima ɔka ɔbɔpu gyí amú owie. Butetí mu Hebrifɔ ɔblítɔ beε, Abadon. Griiki ɔblítɔ é butetí mu beε, Apolion. Mú asi gyí, “Ató Oyintápó.”

¹² Asun wunhe gyankpapu lámó ɔnó á. Anyɔ tráhe é íbá.

¹³ Bréá Bulu-ɔbɔpu síésí lófulí mu ɔkpe a, nonu ɔme ku ledali. Uledali tsu sika pepe afɔdie-asubwi ámu okonkí ana ámɔtɔ Bulu ansító inu. ¹⁴ Ide ɔbɔpu amú ɔlɔfulí ɔkpe amu bláa ɔbéε, “Sanki abɔpu ana ámú bekli mántá ntsu yílé Efrate ɔnó ámu.” ¹⁵ Bulu léla amú yái há alí bré ánfí, ofí ánfí, ɔtsra ánfí, eke ánfí pú dɔnhwírí anfi ɔbéε, busánkí amú abuyɔmɔ ɔyítɔ ahátɔ yéε asatɔ iku kole féé. ¹⁶ Bebláa mí ání isá akɔpú ámu ɔdudɔ bóbwe bliba lafanyɔ (200,000,000), bɔdin mpɔnkɔsv. ¹⁷ Nowun mpɔnkɔ pú amúsú adunkápú mí atowunhe amɔtɔ, bɔwa kántó atíntɔ. Aku klé lepe fé ogyá, aku klé lebi, aku

é klé igyi batε-nfɔ. Mpɔnkɔ ámu nwun igyi fé gyatá klé, ogyá móa ogyási pú atonkodu dedali amó ɔnótó.

¹⁸ Alɪ asɔn wunhε aku asa, igyi ogyá, ogyási pú atonkodu amɔ ɪdedali tsu mpɔnkɔ ámu ɔnótó, ɪlɔmɔ ɔyító ahátó yée asatɔ iku kule. ¹⁹ Megyí amó ɔnótó nkule asɔn wunhε túmi tɛdálɪ tsu. ɪbu amó odútó é, tsúfɛ amó odú igyi fé ɪwɔ, ɪbu nwun, itepɪlan ahá.

²⁰ Anyánkɔpɔsa amúú besian ɔsulósu, bumowu asɔn wunhε amɔtɔ ámu féé bekiná bumɛdamlí klɔntɔ. Bumesi ɔhε laláhe móa atunkuá bapó sika pεpε, sika futútú, kɔ́bri, abwi móa nyí aná bwé súm. Alɪ ɔhε laláhe pú atunku anfi butamawun ató, butamanú asón, butamanátí. ²¹ Alɪ kén bumɛdamlí klɔntɔ sí amó tsiátó laláhe; ígyi ahámɔ, ɔkpé, atsi móa ayin asónwa móa owi ámu é bwε ní.

10

Bulu-ɔbɔpu Mva Ɔwoló Túkúríibi

¹ ɪnu nɛlawun Bulu-ɔbɔpu ɔwɔnlínɔpú bambá ɔkúá otsú ɔsúsú. Agyinde lobomlí mu, nyankɔɔtáa ɪlan mu awunso. Mu ansító lɔwankí fé owí, mu ayabi igyi fé ɔsɔtɪ ání ogyá bu mótó. ² Ɔde ɔwoló túkúríibi kúá ɔletéi mótó. Mu gyɔpɪ yabi iyi ɔpusu, mu bina yabi é iyi ɔsulósu. ³ Ɔlɔkplón kóklókúú fé gyatá dékpóún, ɔpráda asienó ámu lɔɔtí. ⁴ Bréá ɔpráda asienó ámu lɔɔtí, mbée anwanlɪn asón amúú ɪleblí ámu a, nonu ɔmε bámbá tsú ɔsúsú. Ɔmε amɔ déblí ɔbée, “Máwanlɪn asón amúú ɔpráda asienó ámu ɪlablí ámu. Pɔwa fú kpawunutɔ.”

⁵ Móú Bulu-ɔbɔpu amúú nowun, ɔlí ɔpu móa ɔsulósu ámu lótsu mu gyɔpɪ ɪbi fúá yó ɔsúsú. ⁶ ɪnu ɔleka ɔhá amúú ɔbu nkpa bré féétó ámu ntam. Mólɔbwε ɔsú móa asi, ɔpu móa mótó ató féé, ɔleblí

ᾶέε, “Buméetrá si tsiá! ⁷ Táme bréá Bulu-ᾶᾶpu síénósí amu ᾶᾶfúli mu ᾶkpe a, ali bré ámutᾶ Bulu asun ᾶáínhé amúᾶ ᾶlehié yáí ᾶέε, mᾶᾶwe ámu ᾶéba mótó ní. ᾶéba mótó fé aliá ᾶlebláa mu asúmpó, bogyi mu ᾶnósú atáípu amu.”

⁸ Inu ᾶme amúᾶ ide mí asún bláa tsú ᾶsósú ámu létrá bláa mi ᾶέε, “Yᾶᾶ ᾶwuló amúᾶ ilafinkí ámu le Bulu-ᾶᾶpu amúᾶ ᾶlí ᾶpu mᾶa ᾶsulósu ámu ᾶbitᾶ.”

⁹ Mú su nᾶyᾶ Bulu-ᾶᾶpu amu wá mbéé, ᾶpúᾶ ᾶwulóbi ámu ha mi. Múᾶ ᾶlebláa mi ᾶέε, “ᾶᾶ, afowí mú! ᾶᾶwa fú ᾶᾶwe débídébi fé ᾶkwén, táme imékanáa fú iputᾶ.”

¹⁰ Inu nᾶᾶ ᾶwulóbi ámu lé mu ᾶbitᾶ, nᾶwi mú. ᾶᾶwa mí ᾶᾶwe débídébi fé ᾶkwén, táme imetepí kanáa mí iputᾶ. ¹¹ Múᾶ ᾶletrá bláa mi ᾶέε, “ᾶlehián ání félablí asún amúᾶ ᾶéba ahá féésú ámu. ᾶéba ᾶmá féé, ᾶblí ᾶtsan-ᾶtsan ablípó pú awíe féésú, fé ali amúᾶ Bulu lalé súná fú ámu!”

11

Adansifᾶ Abanyó Amu

¹ Inu ᾶma a, beha mí oyíá butᾶpósúsu ató. Múᾶ Bulu-ᾶᾶpu amu lébláa mi ᾶέε, “Kusu afuyosusúu Bulu ᾶtswékpá obu ámu pú afᾶᾶie-asubwi amu, afokla inu asúmpó amu. ²⁻³ Táme másusúu nwunsínésú amu mú. Si inu tswí, tsúfé Bulu lasí inu há ahá ání bumegyí Yudafᾶ. Ali ahá ánfí bétsatsáa wúlu wankíhé amᾶsu tsra adᾶana-nyᾶ (42), igyi nke ᾶpím-ᾶkule lafa-anyᾶ aduesie (1,260). Néha mí adansifᾶ abanyó bédídá akpekpe, há amú túmi, béblí mí asún ání nalé súná amú nke ámutᾶ.”

⁴ Amúgyí nfᾶ-nyí anyᾶ pú ᾶkandíe-nyí anyᾶ amúᾶ ᾶlí Bulu, ogyi ᾶyí féésú ogyípu amu ansító ní. ⁵ Ní

ɔku ɔbwé agywun ání obépilán amó á, ogyá bédali amó ɔnó, hɔ mu mó. Alí ɔhá ání odekléá obépilán amó obówu ní. ⁶ Bulu adansifo ámu bɔbu túmiá bétalí há nyankpu omóotswie nkeá bópoblí Bulu asón ámu féé. Bɔbu túmiá bétalí há ntsu kugyíku bédamli obugya. Bétalí lé asun wunhe kugyíku é ba ɔsolósu brégyíbréá bɔdeklé.

⁷ Ní adansifo ánti beblí amó asón tá á, ɔbwíkítá-atɔ amú ɔtedáli tsu ulán klúklúúklúá uma ɔkatɔ ámu ɔbókɔ amó isá, gyí amósú, mó amó. ⁸ Amó afúli bédí amó wúlu yilé brɔnusu. Bɔteti wúlu yilé ánti beɛ, “Sodom móa Egipte.”* Inu beda amó Wíe Yesu mántá oyikpalíhesu, mó ní. ⁹ Ahá bótsu abusuangyíabusuan, ɔblígyíɔblí, ɔmágyíɔmá pú ɔsolósu ahá ɔtsan-ɔtsan féétó ba beki afúli amu nkensá móa ifon. Bɔmécha ɔkra abɔpula amó kúráá. ¹⁰ Bulu ɔnósú atáípu abanyó ánti bawú su ansí bégyi ɔsolósu atsiápu. Bégyi nke kɔnkpɔnti, kíe aba ató, tsúfé Bulu ɔnósú atáípu ánti bawá amó ipian kɔnkpɔntitɔ ki. ¹¹ Táme nkensá móa ifon ámu ɔma a, Bulu léha ɔhé lelawíé amótó, belakusú líi ayabisu. Mó su ifú lehie kítá ahá ání bowun amó. ¹² Inu Bulu ɔnósú atáípu abanyó ámu bonu ɔme kɔnkpɔnti ku tsú ɔsúsú, ilebláa amó ɔbéɛ, “Mlɔɔ ba nfi!” Amó alupó ámu bolí bɔde amó kí, agyinde lotsu amó ya ɔsúsú. ¹³ ɔsolósu lékpunkí kpukpukpukpu alí bré ámɔtɔ kén. Ní beye wúlu ámɔtɔ idú á, iku kole féé lobwie bun ɔsolótɔ gbloo. Ahá mpím-sienó (7,000) bowu ɔsolókpunkí ámɔtɔ. Ifú lehie kítá atráhe amu. Mó su bɔwa ɔsúsú Bulu numnyam.

* **11:8** Wúlu yilé ánti dá onutó gyí Yerusalem. Bɔpókápu Sodom móa Egipte, tsúfé amó bwéhé laláhe lehan aba.

14 Asun wunhe nyɔɔsi latsun, saasi srí íbá á.

Ɔkpe Sienósí

15 Mú Bulu-ɔbɔɔ osienósí lófolí mu ɔkpe. Inu ɔme akpɔnkpɔnti lelu tsu ɔsósú beɛ, “Séi á, ɔyító iwíegyí lamlí aní Wíe Bulu mu Kristo, (ɔhá aní Bulu ladá mu ofúli amu) klé. Obégyi iwíe bré fée!” 16 Inu ahande advanyɔ-na ámuú bɔtsie amú mbíású Bulu ansító ámu fée bobun, súm mu, 17 blí beɛ, “Aní Wíe Bulu Otúmípu, adá fú ipán.

Fólétsiá, fóbv inu bré fée.

Tsúfé fapú fú túmi kpɔnkpɔnti ámu
fi fú iwíegyí asi!

18 Ɔmá-ɔmá benya ɔbló,

bré lafun aní fú é fénya ɔbló.

Bré lafun aní fégyi awupó asón.

Bré lafun aní fóbwe yilé há fú asúmbi, bɔgyí fú
ɔnósú atóipó amu,

pó Bulu ahá aní bɔtenyá fú ifú,
nyebí pó ahande fée.

Bré lafun aní féhi ahá aní bamó ahá ɔyító fée.”

19 Inu befinkí Bulu ɔswékpa kpɔnkpɔnti ámuú íbu ɔsósú ámu, bowun mu Ntam-dáka obu ámuɔ. Inu nyankpu lówa íbɔ fwi bi. Odekpíe, ɔpráda deputí, ɔme ɔtsan-ɔtsan lelu kóklókóú, ɔsulú lekpínkí; átsufolibiá igyi fé akwebi léhiε kpá.

12

Ɔtsi Amu Mva Bótí Amu

1 Inu osúna kpɔnkpɔnti ku lédalí ɔsósú. Nowun ɔtsi ɔkúá ɔdídí owí, mu ayabi yí ɔtsrasu. Obun owíεpa, ntsrakpabi dúanyɔ ipan músú. 2 Ɔtsi ámu

dé ɔmé, ikwíi de mu dwiín, odekikíni, ɔde okitikíti ogyo obí ámu kwíi.

³ Inu osúna bámbá letrá dali ɔsósó. Nowun bótí kpɔnkpɔnkpɔnti ɔkuá ɔlepe, ɔbu nwun asienó pú nsiebí dú. Owíepa asienó bun nwun asienó ámuɔɔ.

⁴ Ní beye ntsrakpabi fээтó aku asa á, butí ámu lópu mu odú kíkí mla iku kule, ɔlebitía mú kpá beda ɔsolóɔɔ. Ɔlí ɔtsi ámuú ɔmé de mu dwiín ámu ansító, méni ɔtsi ámu onyá kwíi pé á, obótsu mu bi ámu mé. ⁵ Ɔtsi ámu lókwíi obiyímbi ání ɔbékpa ɔmá fээ owuntɔlunɔ. Botsu kebi ámu ya Bulu wá, yéyaí mu obíású. ⁶ Inu ɔtsi ámu lésrí yó dimbísú ɔtínéá Bulu léla yáí há mu. Békí muɔɔ nke ɔpím-ɔkule lafanyo aduesie (1,260).*

⁷ Inu, isa leda ɔsósó. Bulu-ɔbɔpu dehen Mikael muɔ mu aba abɔpu bɔko bótí ámu muɔ mu aba abɔpu. ⁸ Táme bótí ámu muɔ mu abúɔpu bɔmetalí líi amó ɔnó, begya amó lé ɔsósó inu. ⁹ Inu bekpa bótí ámuú butetí mu iwɔ dada amu muɔ mu abɔpu beda ɔsolóɔɔ. Mu butetráa ti Bulu olupó ntéé Satan pú ɔyító ahá fээ ɔmlépu ni.

¹⁰ Inu nonu ɔme kóklókókú ku lelin ɔsósó. Uleblí ɔbéé, “Séi gyí bréá Bulu ɔbóhɔ mu ahá nkpa ní!

Bulu ɔbópu mu túmi gyi iwíe.

Mu Kristo, (ɔhá ámuú Bulu ladá mu ofúli amu) é ɔbéle mu túmi ɔwan.

Tsúfé bakpá ɔhá ámuú oletsíá lé aní Akristofɔ ilá ámu dá ɔsolóɔɔ.

Ɔbunsám méetrá ka asún dínká aní apíósó, aní Bulu ansító ε.

¹¹ Bapó Okúfabi amu obugya pú mu iwí adánsie ámuú

* **12:6** Nke ɔpím ɔkule lafanyo aduesie (1,260) ánti igyi nfinsa móa ifon.

begyi amu gyi musu.
 Bumədwə amú iwı dıbdıbdı,
 su bumenya amú lowu kóráá ifı.

12 Inı su əsúsú pú mliá mlibu ınu fée
 mlınya ansigyı.

Táme əsulóv muə əpu,
 mligyəwi ní.

Əbunsám laba mli wá əblósó,
 tsúfə alawun ání mu nke trá mətsó.”

13 Bréá bótı ámu lówun ání bafın mu dá əsulósv á,
 əlkəsú kplá gya ətsı ámuú əlkwı obı ámu. 14 Táme
 beha ətsı ámu oyitsu kənkənkənkəntı abámba
 anyə, méni əbétalı fúlı sí bótı ámu yó mu otsiákpá
 dimbısú ınu. Bulu əbéki musu ınu nfinsa móa ifon.†
 15 Inu bótı ámu léfen ntsu tsənhə dáli mu ənótó wólı
 ətsı ámu əma, méni ıbékitá mu nátı. 16 Táme əsulóv
 légyı ətsı ámu buale. Ntsu ámuú bótı ámu léfen
 tsu mu ənótó ámu fée lemə wıé əsulótə. 17 Inu bótı
 ámu lénya əbló ətsı ámusu, pú mu əbló gya mu abı
 atráhesu. Amúgyı ahá ání butegyı Bulu mblasu,
 bude Yesu iwı adánsıe gyı a. 18 Inu bótı ámu lési əda
 əpu amu ənó.‡

13

Mbwıkıtá-atə Anyə Akv

1 Inı əma a, nowun ání əbwıkıtá-atə kənkənkəntı
 əkv dédalı tsu əpu amotə əbá. Əbu nwun asienó
 pú nsiebí dú. Owıepa bun nsiebí ámu kugyıkəsu.
 Bəwanlın dá ání ılkəsú líı Bulusu dınká nwun ámu
 kugyıkəsu. 2 Əbwi ámu gyı fé dundu, támə mu
 ayabi lomónı, mu akuti bu iswı fé osısré ayabi, mu

† 12:14 Nfinsa móa ifon igyi nke əpım əkole lafa-anyə aduesie
 (1,260). ‡ 12:18 Inı bu nwóló dada amu akotə: ınu nesi líı əpu amu
 ənó.

ḡnó é igyi fé gyatá ḡnó. Bóti ámu lópu mu túmi, iwíegyi pú ḡwunlín ku há ḡbwi ánfí. ³ Nowun ání ḡlo kpḡnkḡnti ku idin ḡbwi ámu nwun asienó ámutḡ kulḡsu. ḡlo ámu lómoní, íbétalí mḡ mu, táme íleta, omowu. Ilḡwa ḡyítḡ ahá féé wánwan, bekplá buo mu. ⁴ Bosúm bóti ámu, tsúfé alapó mu túmi há ḡbwi ámu. Bosúm ḡbwi ámu é, fíté beé, “Ma lófḡn ḡbwi ánfí? Ma ḡbétalí lí kḡ mu?”

⁵ Bulu léha ḡbwi ámu ḡkpa ání ḡblí abususu akḡnkḡnti pukusu lu musu. ḡleha mu ḡkpa ání ḡbwéé túmila kugyíkúá odeklé tsra adwana-nyḡ (42), igyi nfinša mḡa ífḡn ámutḡ. ⁶ ḡbwi ámu lóbwií ḡnó, blí abususu púkpḡí Bulu muḡ mu dá pú ahá ámuú bubu ḡsḡsú, igyi mu otsiákpá amu. ⁷ Bulu léha mu ḡkpa ání ḡkḡḡ Bulu ahá, ogyí amḡsú. ḡleha mu ḡkpa ání ogyíi iwíe abusuangyíabusuan, ḡblígyíḡblí, ḡmágyíḡmá pú ḡsulḡsu ahá ḡtsan-ḡtsan féésú. ⁸ ḡyítḡ ahá féé bósum ḡbwi ámu. Ahá ání buḡmḡosum mu gyí ahá ání ḡḡwanlín amḡ adá wá Okúfabi amḡḡ ḡḡpuhá igyí asa ḡyí lebelin amu nkpa ḡwulótḡ.

⁹ ḡhá ání ḡbu asu onúu. ¹⁰ ḡhá ání ida yaí ání békítá mu ndoun ísátḡ a, békítá mu ísátḡ, kpá mu náti. Ní ida yaí ání ḡku obésin ḡdayí ḡnó é á, ḡdayí ḡnó obésin. Iní su Bulu ahá butḡmi, abulu kínkín amḡ hḡgyítḡ.

¹¹ Inu netrá wun ḡbwi ḡku é lḡwḡ dalí ḡsulótḡ. ḡbu nsiebí anyḡ fé okúfabi, táme ḡlḡtḡí fé bóti. ¹² ḡbwi ánfí líi ḡbwi gyankpapu amu ansítḡ, ḡḡyo mu agyḡmá kugyíkú ḡbwi gyankpapu amu túmitḡ. Iní léha ḡsulḡsu atsiápó féé bosúm ḡbwi gyankpapu amḡḡ ḡlo ledúká mu, íleta, omowu ámu. ¹³ ḡbwi nyḡḡsi amu lḡbwé osúna akḡnkḡnti. ḡleha ogyá

lekpa tsú ɔ́sú́sú bɛda, ahá f́éé bowun. ¹⁴ Ɖɔpɔ osúna amóú ɔ́ɔbwe ɔ́bwi gyankpapu amu ansító ámu mlé ɔ́yító ahá ɔ́bée, bupwée ɔ́kpi, ogyi f́é ɔ́bwi gyankpapu amóú bɔwɔ mu ɔ́dayí iya anyɔ, omowu, ɔ́tráa otsie nkpa ámu. ¹⁵ Bulu léha ɔ́bwi nyɔɔsi anfi ɔ́kpa ání ɔ́wáa ɔ́kpi ámu ɔ́hé, f́ówun ibétalí t́í. Inu ɔ́kpi ámu léha ɔ́bée, bumóó ahá ání bumóosúm mu. ¹⁶ Ɖleha ání bwhíe ahá f́éé nsu, amú gyɔpi ibisu ntée amú ɔ́ɔkpi; nyebí ahande, ahiánfɔ ḿa asikafɔ, nkpábi ḿa iwí agyípy. ¹⁷ Ɖhaa méetalí f́é t́ɔtɔ ntée hɔ t́ɔtɔ, nkéti ɔ́há ání ɔ́bwi ámu nswhíetɔ, igyi mu idá ntée ibi ání ilí há mu idá dín musu.

¹⁸ Iní léhián nyánsa, méní f́etalí nú ibi ámu así. Ibi ámu ilí há ɔ́bwi gyankpapu amu, igyi oyin ɔ́ku dá. Ibi ámu gyí lafasie aduesie-sie (666).

14

Okúfabi Amu Mva Mu Ahá

¹ Inu nelawun Okúfabi amu líí Sionbusu. Ahá mpím lafakule advana-na (144,000) bulí mu wá. Okúfabi amu mva mu Si idá dín amú ɔ́ɔkpi. ² Inu nonu ɔ́me ku tsú ɔ́sú́sú f́é ntsu lábólá, idekpa yi, ntée ɔ́práda députí, ntée f́é nsankuo tsɔtsɔtsɔ budeda. ³ Bude ilu pɔpwe ku wa owíe obíá ámu, akíankpapu ana ámu ṕú ahande advanyɔ-na ámu ansító. Ɖhaa má inuá ɔ́bétalí súan ilu ámu ɔ́sulóv anfisú, nkéti ahá mpím lafakule advana-na (144,000) amóú Bulu lahɔ amú nkpa tsú ɔ́sulósv ámu nkule pé. ⁴ Alí ahá ání gyí ahá ání amú iwí letin, bumeyín ɔ́tsi, butobuo Okúfabi amu ɔ́tíneyíɔ́tíneá ɔ́yó ní. Amú nwunsu ikɔ́ óleka anyánkpusa f́éétó, f́é ató-abí gyankpapu há Bulu mva Okúfabi amu ní. ⁵ Butamawá afunu, ɔ́lala kuku é ima amú iwí.

Bulu-abɔpu Abasá Asɔn Blíhé

⁶ Inu nelawun Bulu-abɔpu ɔkɔvá ɔna afútó, ɔde asɔn wankláán á múú ɪbu nu bré fěétó amu. Ɔbá bebláa ɔyító ahá, abusuangyíabusuan, ɔblígyíɔblí ablípó, ɔmágyíɔmátó ahá pú ahá ɔtsan-ɔtsan. ⁷ Bulu-abɔpu amu lókpɔn blí ɔbéε, “Mlɪnya Bulu ifú, amlɪwa mu numnyam, tsúfě mu asóngyíbi lafɔn. Mlɪsum mu. Mólóbwε ɔsú móa asi, ɔpu móa ntsu fěé!”

⁸ Bulu-abɔpu onyɔɔsi é lóbuo mu, beblí ɔbéε, “Babilon labwíé. Wúlu yilé Babilon labwíé. Tsúfě Babilon lahá ɔmá-ɔmá banu mu mbvato-ntá ání itehá Bulu ɔbló tákósó!”

⁹ Bulu-abɔpu saasi é búo amú, ɔdeblí ɔbéε, “Ní ɔku lósum ɔbwi ámu mva mu ɔkpi ámu, há bɔpu amú nsvhíeto hie mu ɔsvkpi ntée mu ɪbi nsv a, ¹⁰ ali ɔhá ámu obónu Bulu ɔbló-ntá, bomefráa mú asa betsei mú wá Bulu ɔbló-eweto ní. Bulu ɔbɔpu ogyá móa atonkodu bíti mu ɪsv, mu abɔpu wankíhé pú Okúfabi amu ansító. ¹¹ Amú ɪsvbíti ogyá ámu ogyási bókusú yó ɔsúsú bré fěétó. Ali ahá ámu gyí ahá á múú bosúm ɔbwi ámu pú mu ɔkpi, ɔbwi ámu nsvhíeto dɪn amúsú ámu ni. Iwi móolwíí amú ekekekeke.”

¹² Inɪ sú ilehián ání Bulu ahá bótomi líí kínkín, gyi Bulu mblasu, wá ɔnɔkwali há Yesu ni.

¹³ Inu nonu ɔme ku lótsu ɔsúsú ɔbéε, “Wanlɪn tswi fεε, ‘Ansí bégyi ahá ání bówu anɪ Wíε agyómátó tsú séi púya!’ ”

Bulu Ɔhě ámu ɔbéε, “Ee, ɪbu mútó. Ansí bégyi amú lélé. Béda ɔkpónú tsú amú ipian fěétó, tsúfě amú bwehé wankláán bóbuo amú.”

Bulu Asóngyí Iwi Atowunhe

¹⁴ Inu neláki a, agyinde futútú ku ní. Ɔha ɔkɔvá ogyi fě Nyankpɔsa-Mu-Bi ámu tsie agyinde ámuvo.

Obun sika pepe owiepa, ode tsini kláklá ku. ¹⁵ Inu Bulu-abapu oku é lédali tsu osúsú Bulu otswékpa inu ba. Múú olóplón bláa ohá amúú otsie agyindesu ámu obéé, “Pv fú odayí ámu tin ató-abí, tsúfé osolósú ató-abí lapé yí. Mú tñbi lafon!” ¹⁶ Mú sv ohá amúú otsie agyindesu ámu létinkí mu tsini amu, tin osolósú ató-abí ámu féé.

¹⁷ Bulu-abapu oku é lédali tsu osúsú Bulu otswékpa obuto inu. Mu é ode tsini kláklá ku.

¹⁸ Múú Bulu-abapu okuá obu túmi ogyá ámu sv é lédali tsu afódié-asubwi ámu asi ba. Olóplón bláa Bulu-abapu amúú ode tsini ámu obéé, “Pv fú tsini amu ka wáin-abí ámu okpitsa, tsúfé abí ámu ilapé.”

¹⁹ Mú sv Bulu-abapu amu lótswi mu tsini amu káka osolósú wáin-abí okpitsa féé, kpá wáin-abí ámu wá otínéá butenyímé ntsu lé mótó. Inu ilí há Bulu obló.

²⁰ Wúlu amu mmuátse benyímé wáin-abí ámu. Obugya lédali mótó, idetsóon waa fé ntsu tsonhe. Mú iswító bóbwe máli lafakwe adukwe (180). Mú oklú é bóbwe ayabi anu.

15

Bulu-abapu Pó Asun Wunhe Asienó Tráhe

¹ Inu nowun osúna bámbá kuá ibu ifú, ibu wánwan osúsú. Nowun ání Bulu-abapu asienó bude asun wunhe asienó ání Bulu obópobítí ahá iso asa uklontó bólwií mu.

² Inu nowun apu kuá igyi fé ahohwé, ilépe fé ogyá. Nowun ání ahá bulí mú onó, bude Bulu nsankuo. Ali ahá áñfi gyí ahá ání bakó gyi obwi gyankpapu amu mua mu okpi ámu pó nsuhíe-ibi amúú ilí há mu dá ámu sv ní. ³ Bude Bulu osúmbi Mose mua Okúfabi amu ilu wa beé,

“Ani Wie Otúmípu,
 fó bwehé bu ifú, ibu wánwan.
 Fú bwehé fée igyi ɔnɔkwali, ida ɔkpa.
 Owíeá mu iwíegyi tamamó ɔnó.

⁴Ani Wie, ma oméenya fó ifú, wá fó numnyam?
 Tsúfé fó nkɔle lówankí.
 ɔma fée béba bosúm fó,
 tsúfé falé fó yilébwɛ ɔwan.”

⁵Inu ɔma a, neki ɔsósó, nowun áni Bulu ɔtswékpa obu, igyi tati-obu ámú itosúná áni Bulu bu amú wá ámu ɔnó iya. Nowun mótó ɔwankíkpa amu.
⁶Nowun Bulu-abɔpu asienó amú bɔpu asun wunhe kpɔnkpɔnti asienó bá amu. Bedali tsu ɔwankíkpa inu. Bɔwa ɔhráda atadiéá ilówankí, ide ogyá kpa, bɔpu sika pepe ɔfé tsán. ⁷Akiankpapu ana ámúto ɔkɔle léha Bulu-abɔpu asienó ámúto okugyíaku sika blanwébi áni Buluá ɔbu inu bré féeétó ɔbló ibu mú dédédédé. ⁸Bulu numnyam pó mu túmi léha ogyási lɔbulá Bulu ɔwankíkpa inu fée. ɔhaa métalí bitíwíé mótó, yófon bréá Bulu-abɔpu asienó ámu batséi asun wunhe asienó ámu fée wólí ɔsulósu.

16

Bulu ɔbló Ablanwébi

¹Inu nonu ɔme kpɔnkpɔnti kvá ilɛdali tsu Bulu ɔwankíkpa inu. Ide abɔpu asienó ámu bláa ɔbéé, “Mliyo, amliyetsei Bulu ɔbló ablanwébi asienó ámu wólí ɔsulósu.”

²Mú su ɔbɔpu gyankpapu lédali tsu Bulu ɔtswékpa inu yetsei mu kle wólí ɔsulósu. Inu ahá ámúto ɔbwi ámu nsóhiéto idin amósó, buɛ ɔkpi ámu sum ámu iwi létsitsii nlo akpɔnkpɔnti, ide amú dwíin.

³ Ọ̀bọ̀pọ̀ nyọ̀ọ̀sì lẹ̀tseí mọ̀ kẹ́ wá ọ̀pọ̀tọ̀. Ọ̀pọ̀ amọ̀ lẹ̀mílí fẹ́ fúlí obugya. Tógyítọ́á ọ̀bọ̀ ọ̀pọ̀ amọ̀tọ̀ lówu.

⁴ Ọ̀bọ̀pọ̀ sáásí lẹ̀tseí mọ̀ kẹ́ wá ntsu tsoṅhe pọ̀ abọ̀kpabi fẹ́étọ̀. Mọ̀ fẹ́é ilemílí obugya. ⁵ Inu nonuá Bulu-ọ̀bọ̀pọ̀á ọ̀teki ntsusu lẹ̀bláa Bulu ọ̀bẹ́e, “Oo Ọ̀wankípọ́á fọ̀bọ̀ inu bré fẹ́é. Fọ̀ asún da ọ̀kpa ání fabítí amọ̀ isu alí. ⁶ Tsúfẹ́ bamọ̀ fọ̀ ọ̀nọ̀sú atọ́ipọ̀ pọ̀ fọ̀ ahá, tséí amọ̀ obugya wólí ọ̀solọ̀sọ̀. Mọ̀ sọ̀ fahá bapọ̀ obugya há amọ̀ fẹ́e, bọ̀núu ní. Iní lẹ́kanáa ha amọ̀ ní.” ⁷ Inu nonu ọ̀me kọ́á ọ̀dẹ̀dalí tsu afọ̀diẹ-asubwi ámọ̀ así ọ̀bẹ́e, “Ee, aní Wíe Bulu Otúmípu, fọ̀ isubítí igyi ọ̀nọ̀kwali, ida ọ̀kpa.”

⁸ Mọ̀ ọ̀bọ̀pọ̀ náásí lẹ̀tseí mọ̀ kẹ́ wólí owí. Mọ̀ sọ̀ owí ọ̀nọ̀ lọ̀wa ọ̀nlun, ọ̀lẹ́ha mọ̀ ọ̀de ahá tọ̀ fẹ́ ogyá. ⁹ Owí ámọ̀ ọ̀lọ̀tọ̀ okugyíáko. Bulu bọ̀wọ̀ túmí asọ̀n wunhe anfi fẹ́ésú, táme bekiná bọ̀medamílí kẹ̀ntọ̀; pọ̀wá mọ̀ numnyam, mboún lẹ́wí bọ̀lẹ́wí mọ̀.

¹⁰ Onuusi lẹ̀tseí mọ̀ kẹ́ wólí ọ̀bọ̀wí ámọ̀ owíe obíásọ̀. Ọ̀bọ̀wí ámọ̀ iwíe ogyíkpa fẹ́é iloklun. Iwíe sọ̀ mọ̀ abúopọ̀ amọ̀ bọ̀wí amọ̀ ọ̀dandọ̀. ¹¹ Táme bekiná bọ̀medamílí kẹ̀ntọ̀ sí amọ̀ laláhe amọ̀ fẹ́é bwe. Mboún bọ̀lẹ́wí ọ̀sọ̀sọ̀ Bulu, iwíe sọ̀n ámọ̀ bọ̀dewíun amọ̀ sọ̀.

¹² Osiesi lẹ̀tseí mọ̀ kẹ́ wá ntsu yílẹ́ Efratetọ̀. Ntsu ámọ̀ fẹ́é ọ̀lẹ́kpi lé mọ̀ ọ̀bọ̀ntọ̀. Iní lẹ́la ọ̀kpa há awíeá bọ̀tsú owí ọ̀dalíkpa pọ̀ amọ̀ isá akọ̀pọ̀ bétalí tsoṅ ba inu. ¹³ Inu nowun ọ̀he laláhe asa akọ́á bọ̀gyi fẹ́ agyóngyo, bẹ̀dalí tsu bọ̀tí ámọ̀ ọ̀nọ̀tọ̀, ọ̀bọ̀wí ámọ̀ ọ̀nọ̀tọ̀ pọ̀ ọ̀nọ̀sú atọ́ipọ̀ ofunupọ̀ amọ̀ ọ̀nọ̀tọ̀. ¹⁴ Ọ̀he laláhe anfi bọ̀bọ̀wí túmí bwe osúna akpọ̀nkpọ̀nti. Bọ̀tsoṅ ọ̀solọ̀sọ̀ awíe fẹ́ésú, méni békpa amọ̀ fẹ́é wá abatọ̀, bẹ́ba bọ̀kọ̀ aní Wíe Bulu Otúmípu isá eke yílẹ́ ámọ̀ igyi mọ̀ asún ogyíkẹ́ amọ̀.

15 Aní Wie ḡbé, “Kí, néba fé owikplu. Bulu obóyulá ḡhá ání ḡleda iwísu, alalá mu atadie yái, méní ḡméenatí yayá, péli méekítá mu.”

16 Mú ḡḡe laláḡe amu bekpa awíe amu yéfiá ḡtinekuá buḡetí inu Hebrifo ḡblító bee, “Harmagedon.”*

17 Inu Bulu-ḡḡḡu síénósí létsei mu kle wá afútó. ḡme kóklókúú ku ledali tsu Bulu ḡtswékpa inu owíe obíá ámuḡo ḡbé, “Ulatá!” 18 Inu nyankḡu lówa ibi fwi bi. Odekpíe, ḡpráda deḡutí. ḡme ḡtsan-ḡtsan lelun kóklókúú, ḡsulúu lekḡinkí kḡinkí kuá mú odu imákóba kí tsú bréá ahá belun ḡyító ḡpá. 19 Wúlu yilé Babilontó léye asa. Awúlu yiléá ibu ḡyító féé ilobwiebwíe. Inu Bulu lékaín Babilon lakpan féésó, ḡḡḡu mu ḡbló kḡḡnkḡḡnti eweḡo-ntá ámu há mu olonu. 20 ḡḡu nsiné ḡsulúu kugyíku lófwí, abu é féé ileḡa. 21 Atsufolibi akḡḡnkḡḡntiá mú odwintó bóbwe fé kilo aduenu (50) lekpa tsú nwulótáasu beḡa ahásu. Atsufolibi amu ḡnó ḡnlun su bḡlwí Bulu.

17

Obu-ḡnó Otsiáḡú Kḡḡnkḡḡnti Amu

1 Inu Bulu-ḡḡḡu abasiénó ámuú bekítá ablanwébi ámuḡo ḡkuḡe léba bebláa mi ḡbé, “Ba, ansuna fḡ alíá bréá Bulu ḡbébití obu-ḡnó otsiáḡú kḡḡnkḡḡnti ámuú otsie ntsu tsḡtsḡḡtsḡsu ámu iw. 2 Mva ḡyító awíe féé bató mbva. ḡyító ahá féé banu mu mbuḡḡo-ntá bú.”

3 Inu ḡḡé ámu léba mīsu, Bulu-ḡḡḡu amu lótsu mí ya dimbísó. Nowun ḡtsi ḡku tsie ḡbwikítá-ató ḡḡḡe ḡkusḡ inu. ḡbwi ámu bu nwun asienó pú nsiebí

* 16:16 Harmagedon así gyí, Megidobu. Boko isá tsḡtsḡḡtsḡ ibu ánfisḡ.

idú. Bɔwanlín adá ání ɔ̀kɔ̀sɔ́ líí Bulusɔ́ dínká mu ɔ̀wɔ́ fée. ⁴ Ɔ̀tsɔ́ ámu lɔ́wa atadiéá igyi faasi ntsu móa pépe. Ɔ̀lɔ́wa abutó wɔ́lihe ɔ̀tsan-ɔ̀tsan, ɔ̀de sika pépe owebi mu gyɔ̀pɔ́tɔ́. Akisítɔ́ pó mu obu-ɔ̀nótsiá ifin lɔ́bulá mó dédéédé. ⁵ Bɔwanlín ɔ̀dá kɔ́á mó asi leɲáin dínká mu ɔ̀sɔ̀kɔ́ bɛɛ, “Wúlu yílé Babilon, obu-ɔ̀nó atsiápó fée oyín. Ɔ̀sɔ́lɔ́sɔ́ akisítɔ́ fée owíe.” ⁶ Nowun ání ɔ̀tsɔ́ ámu lanu Bulu ahá obugya bú. Ahá ánfɔ́ bɔ̀mɔ́ Yesu ɔ̀wɔ́ adánsiɛgyí sɔ́ ní.

Bréá nowun mu a, ɔ̀nó lobwie mí. ⁷ Móú Bulu-ɔ̀bɔ̀pɔ́ amu léfité mí ɔ̀béɛ, “Ntogyi ɔ̀nó labwíé fú alí? Néle asɔ̀n ɲáínhéá ɔ̀bu ɔ̀tsɔ́ ámu muɔ́ ɔ̀bwíkítá-atɔ́ amóú ɔ̀bu nwun asienó móa nsiebí dú ámu asi súná fú. ⁸ Ɔ̀bɔ́wɔ́ amóú fowun amu latsiá kɔ́. Ɔ̀tráa ɔ̀ma ɔ̀nu séi, ɔ̀bélabá. Táme ɔ̀móɔ́wa ɔ̀pá ɔ̀bédalɔ́ tsu ɔ̀lán klúklúúklú amóú ɔ̀ma ɔ̀ka ámɔ́tɔ́ yó ɔ̀hɔ́kpá. Ɔ̀sɔ́lɔ́sɔ́ atsiápó amóú Bulu mówanlín amó adá wá nkpa ɔ̀wɔ́lɔ́ ámɔ́tɔ́ tsú bréá ɔ̀yí lefi asi ámu ɔ̀nó bóbwie amó, tsúfɛ́ bowun ání ɔ̀bɔ́wɔ́ amóú oletsíá, ɔ̀tráa ɔ̀ma ɔ̀nu ámu lalá bá.

⁹ “Ɔ̀nɔ́ léhián nyánsa ání bóponú mó asi. Nwun asienó ámu igyi abɔ́ asienó* ání ɔ̀tsɔ́ ámu dé iwíe gyí mósú. ¹⁰ Nwun asienó ámu ɔ̀lú há awíe asienó é. Abanú bawú bɔ́tsɔ̀n, osiesɔ́ tsíe obíású séi á. Osienósi mókónyá ba. Ɔ̀bá á, bré kpalobí ku pé obétsiá. ¹¹ Owíe okwesɔ́ gyí ɔ̀bɔ́wɔ́ amóú oletsíá, ɔ̀tráa ɔ̀ma ɔ̀nu séi ámu. Abasiénó ámɔ́tɔ́ ɔ̀kulɛ ogyí. Mu é ɔ̀béhi fɛ́ mu aba ámu.

¹² “Nsiebí dú amóú fowun amu igyi awíe idú ání bɔ̀mɔ́kónyá tsíá obíású. Táme béyaí amó mbíású amó iwíe ogyíkpá. Amóa ɔ̀bɔ́wɔ́ ámu bégyi iwíe bré itinbí. ¹³ Amó fée bóbwe agywun kulɛ, pó amó túmi

* **17:9** Abɔ́ asienó ánfɔ́sɔ́ Roma wúlu ɔ̀dɔ́n ní.

há ɔbwɪ ámu. ¹⁴ Amóa ɔbwɪ ámu bóko Okúfabi amu, támɛ Okúfabi amu obégyi amósú, tsúfé mɔgyí asító Ɔsí pú awíetɔ Owíe ni. Mu abúopu gyí ahá ámuú Bulu latí amó, lé amó, bubu ɔɔkwali há mu amu.”

¹⁵ Inu Bulu-ɔbɔpu amu lébláa mi ɔbéɛ, “Ntsu tsɔtsɔtsɔ ámuú fowun ání obu-ɔnó otsiápú ámu tsie mósó ámu ilí há ɔmá-ɔmá pú ɔblí ɔtsan-ɔtsantɔ ahá. ¹⁶ Nsiebí dú ámuú fowun ɔbwɪ ámu nwunsv ámu é ilí há awíe idú ání muá amónyɔ béggyi iwíe. Amó féé bólu obu-ɔnó otsiápú ámu, swíi mu ató féé, lé mu yayá, wí mu aye, wá tráhe ogyá, íbóho plíplíplíplí. ¹⁷ Tsúfé Bulu lópu agywun ánfí wá amó féé nwuntɔ, méní bóbwe mu apé. Amó féé bópu amó túmi há ɔbwɪ ámu, yófun bréá Bulu asón ámu féé íbɛba mótó.”

¹⁸ Inu Bulu-ɔbɔpu amu létrá bláa mi ɔbéɛ, “Ɔtsi ámuú fowun atowunhe amutɔ ámu gyí wúlu yíléá ide ɔsolósv awíe féésú gyí ni.”

18

Babilon Bwie

¹ Iní ɔma a, netrá wun Bulu-ɔbɔpu ɔku é dékplí tsú ɔsúsú ɔbá. Ɔbu túmi kpɔnkpɔnti. Mu numnyam dewankí wólí ɔsolósv. ² Ɔlɔkplón kúklókúú ɔbéɛ, “Babilon labwíé! Wúlu yílé Babilon labwíé! Uamlí ɔhe laláhe ɔtsan-ɔtsan féé ɔhaínkpá. Ulabwé isia há mbubwi laláhe pú mbwíkítá-atɔ laláhe féé. ³ Tsúfé alapú mu mbuatɔ-ntá ámu dá ɔmá-ɔmá féé ɔnó. Muá ɔyítɔ awíe féé batɔ mbua. Ibía agyípó féé banyá iwí tsú nkpa ámuú olegyi amutɔ.”

⁴ Inu nelanú ɔme ku tsú ɔsúsú ɔbéɛ, “Mí abí, mlíle iwí le mutɔ! Mlímáwa íbi mu lakpan ámutɔ,

méni mu asun wunhe amu ku méeba mlisu.

⁵ Tsúfé mu lakpan lawo nwulótáa.

Mó su Bulu lakáin mósó.

⁶ Pɔ mu lalahéá alapógyí fú ahá ka mu ikɔ.

Pɔ mu bwehé ka mu ikɔ tsenyɔ-tsesa.

Ɔɔpɔ nta kpekplé há ahá bonu.

Mó su pɔ múbá ɔbu onlin don mó aku anyɔ ha mu onu.

⁷ Alagyi ɔdwe laláhe, tsú iwɔi dɔbi.

Mó su pɔ iwɔsin múbá asun wunhe ka mu ikɔ séi.

Ɔtebláa mu iwɔi ɔbéé,

‘Owíe tsihé ngyi, ntsie mí obiásó.

Megyí ɔsurapɔ ngyi, mmóɔwa nwe ekekekeke!’

⁸ Mó su asun wunhéá igyi akón, isú pó lowu bótu mu ekewóle pé.

Bówa mu ogyá, ɔbóhɔ plíplíplíplí,

tsúfé Otúmípu anɔ Wíe Bulu gyí. Mɔdé mu ɔsu bití.”

⁹ Ɔsulósu awíe amóú muɔ amónyɔ bɔtɔ mbɔa, begyi ɔdwe laláhe amu bówun mu ogyási, su kpisíi.

¹⁰ Mɔ ipian amóú odewúun amu ɔbówa amú ifú. Mó su béli tsútsúútsú blí beé, “Gyɔwɔ ní! Babilon gyɔwɔ ní! Wúlu kpɔnkpɔnkpɔnti, nkáli su Bulu labítí fú ɔsu ɔtsáwɔle pé ali?”

¹¹ Ɔyítɔ bíá agyípo bósu, gyi awirehɔ, tsúfé ɔhaa trá ɔma ɔnɔá ɔbóhɔ amú atɔ fehé. ¹² Mɔlétsiá hɔ sika pɔpɔ pú sika futútú atɔ, abwi wankláán pú abutó wɔlihe, ɔhráda, ago, sríkɔ atati pú atati pɔpɔ, nyiá ɔfan, atáá bɔpɔ súrúfó-ɔse bwé, múbá bɔpɔ nyiá ɔbu ibiá sré, pú múbá bɔpɔ kɔɔbrɔ múbá dátɔ pú abwiá ihíe bu akíle aná féé bwé tsɔtsɔtsɔ tsú amú wá. ¹³ Oletsíá hɔ amú píprɔ, ɔhíén, ohuam, apɔse, ntá, olif-nfɔ, nfúo wankláán, ayó, nnantswie, akúfa, mpɔnkɔ,

akeké, tsíá họ ahá nkpábi kóráá.* ¹⁴ Bósu blí bεε, “Ntóbí ámuú fotekle amu fée ladáli fú ibi. Atọ ámuú fótápówá bite ámu fée lahóli fú. Foméétrá wun mú ekekeke!” ¹⁵ Bía agyípo ámuú batsun musu nyá iwí ámu fée béli ífóntó, tsúfé bude ifú nya ání bówun mu iwíasin ámu odu. Béki mu ipian ámu, su gyi awirehọ! ¹⁶ Béblí bεε, “Gyọwí ní! Wúlu yilé, gyọwí ní! Teki fuhíe fubu akíle. Atati fútútú mọ́a pépe pọ́ ago fotedídá. Sika pépe atọ́ mọ́a abutọ́a ide ogyá kpa srasrasra futọ́wá. ¹⁷ Atonyahé tsọtsọtsọ ánfí fée lahóli fú ọ́sáwọ́le pé!”

Ntsusu-yibi akanpọ́, mú ahande pọ́ mótọ́ agyómá ayọ́pọ́ pọ́ ibiá agyípo fée bówa ífó mu wá. ¹⁸ Ní bowun mu ogyási amu a, bósura okitikiti bεε, “Wúlu mọ́mu lófọ́n wúlu ánfí ọ́yítọ́ fée?” ¹⁹ Békpa isi wá nwuntọ́, gyi awirehọ, blí bεε, “Gyọwí ní. Wúlu yilé, gyọwí ní! Fú nyatọ́ aní ntsusu ayibi awíe fée anlanya iwí tsú. Fú iwísu atọ́ fée lahí ọ́sáwọ́le pé!”

²⁰ Ọ́sọ́sọ́ atsiápo fée, mlnya ansigyí. Bulu ahá, mu sumbí ayọ́pọ́ pọ́ mu ọ́nọ́sọ́ atọ́ipo fée, mlnya ansigyí. Tsúfé Bulu lagyi mu asón, bíti mu isu, itọ́ ámuú alapúgyí mlí ámu su.

²¹ Inu Bulu-ọ́bọ́pu ọ́wọ́nlínpo ọ́ku lótsu ibwi kpọ́nkpọ́nti ku, tswi wa ọ́putọ́. Múú ọ́leblí ọ́béε, “Alí Bulu ọ́bọ́pu ọ́blí bwíe wúlu yilé Babilon, ọ́haa méétrá wun mú ekekeke ní. ²² Ọ́haa méétrá nu ọ́sankuo adapọ́, ilu awapọ́, ọ́téntε afólípo pọ́ ikpe afólípo nka wúlu amutọ́ ekekeke. Ibi ọ́nọ́ agyómá kọ́kọ́kọ́ é uméétrá tsiá inu. Bọ́méétrá kwe nfúó inu ekekeke. ²³ Ọ́kandíe kọ́ku méétrá wankí wólí inu, ọ́haa é méétrá nu okúlu mọ́a ọ́ká pọ́pwe ọ́me inu ekekeke. Tsúfé tekí mu ibiá agyípo gyí aha

* **18:13** ahá nkpábi ntée anyánkọ́sa-oyí mọ́a akláa.

kpɔ̀nkpɔ̀nti ɔ̀yító ní. Alapó mu atóla mlé ɔ̀yító ahá f́éé, há bafwí!

²⁴ “Babilon brɔ̀nɔ̀su Bulu ɔ̀nósó atóipó amu obu-gya ibun. M̀lómó Bulu ahá ɔ̀yító f́éé ní.”

19

¹ Iní f́éé ɔ̀ma a, nonu ɔ̀me k̀vá igyi fé ɔ̀ɔ̀m aní buɔ̀ekplón k̀vklókúú ɔ̀súsú. Buɔ̀eblí b́ee, “Halelúia! * Aní Bulu t̀hɔ́ ahá nkpa. Mu nkɔ̀le b́óu túmi m̀úa numnyam, ² tsúf́é mu isubítí igyi ɔ̀nɔ̀kwali, ida ɔ̀kpa. Alabítí okipó kpɔ̀nkpɔ̀nkpɔ̀nti á múú ɔ̀lɔ̀pu mu obu-ɔ̀nó tsiá yíntá ɔ̀yító ámu isu, alafíté mu asúmpó obugya tsú mu wá.” ³ Bu tráa buɔ̀ekplón k̀vklókúú b́ee, “Halelúia! Wúlu amu ogyási lakósó yó ɔ̀súsú bré f́éé t́ó!” ⁴ Inu ahande aduanyɔ̀-na ámu p̀ú akiankpapu ana ámu bemli bun s̀úm Bulu á múú otsie owíe obíá ámu su, blí b́ee, “Amen! Halelúia!”

Okúfabi Amu Ɔ́ká Otsiáke

⁵ Inu ɔ̀me ku lelɔ̀n tsú owíe obíá ámu t́o ɔ̀b́ee, “Mli Bulu asúmpóá mlitenyá mu ifú, nyebí ahande f́éé, mlíkanfu aní Bulu ámu!” ⁶ Mú ɔ̀ma a, ɔ̀me tsɔ̀tsɔ̀tsɔ̀ lelin, fé ntsu b́óláhé détsóun waa, ntée ɔ̀práda deputí k̀vklókúú ɔ̀b́ee, “Halelúia! Aní Wíe Bulu Otúmípu amu dé iwíe gyí. ⁷ Mliha anya ansigyí, iwí isanki aní, awa mu numnyam! Tsúf́é Okúfabi amu ɔ̀ká otsiáke lafun. Mu ka ámu lahíhíe iwí t́a.” ⁸ B́e ha mu ɔ̀kpa b́ee, ɔ̀wáa ɔ̀hráda atadiéá ilɔ̀wankí, ide ogyá kpa. (Ɔ̀hráda atadié anfi ilí há Bulu ahá yilébwé.)

⁹ Múú Bulu-ɔ̀bɔ̀pu amu lébláa mi ɔ̀b́ee, “Wanlin f́ee, ‘Bulu layúlá ahá aní alatí Okúfabi amu ɔ̀kátsiá nke

* **19:1** Halelúia igyi Hebrifo ɔ̀blí. Mú así gyí, Kanfo aní Wíe Bulu!

ámv asi.’ ” Múú ɔletrá bla mi ɔbéε, “Asón ánfí igyi ɔnɔkwali, Bulu wá itsú.”

¹⁰ Inu nemlí bun mv ayabitɔ, mbéε ansum mv, táme ɔlebláa mi ɔbéε, “Mábwe! Tsúfé Bulu osúmbi ngyi fé fɔa fɔ apíó ámúú mlidé Yesu iwí adánsíε gyí amv. Sum Bulu nkυε pé!

“Tsúfé ahá ámúú bυde Yesu iwí adánsíε gyí amv bυbυ Bulu ɔnósó asónblí ɔhé.”†

Ɔpɔnkɔ Futútúsó Ɔdinkápú

¹¹ Inu mɔ́á nówun a, ɔsúsú lafínkí. Nelákí a, ɔpɔnkɔ futútú ɔku líí á! Mvsv ɔdinkápú amv idá gyí, “Yilé Ɔbwepú pú Ɔnɔkwaliɔv.” Otegyi asón, ɔtɔ́kó isá é ɔnɔkwali sv. ¹² Mv ansíbi aklambi igyi fé ogya plenplen. Owíepa tsɔtsɔtsɔ ibun mv nwun. Ɔbu dá kvá bɔwanlín dínká mvsv, ɔhaa méyín mó tsía mvɔ. ¹³ Ɔlɔwa ligá ání bɔwa mó obugyatɔ. Mv idá gyí, “Bulu Asón.” ¹⁴ Ɔsúsú isá akɔpú bυdín mpɔnkɔ futútúsó. Bɔwa ɔhráda atadiεá ilɔwankí, ide ogyá kpa bυbuo mv. ¹⁵ Ɔdayí iya anyɔ kláklááklá ku ledalí tsu mv ɔnó. Mú ɔbɔpυsáín ɔmá-ɔmá bun ni. Ɔbɔpυ owuntɔlín kpá amú. Bulu Otúmípv amv ɔbló kpɔnkpɔntí ámv ɔbɔpυnyímé amú fé alíá bυtenyímé wáin-abí. ¹⁶ Idá ání bɔwanlín dínká ɔhá ámúú ɔdín ɔpɔnkɔ futútú ámv atadiεsv pú mv obíánsó gyí, “Asító Ɔsí, Awíεtɔ Owíε.”

¹⁷ Inu nowun Bulu-ɔbɔpυ ɔku líí owító. Ɔlɔkplón kpolí mbubwi ání bυna afútó fée ɔbéε, “Mlíba! Mlíbefia Bulu ɔpónú kpɔnkpɔntí ámúú alatswí ha mlí ámv asi! ¹⁸ Méné mlégyi awíε, isá ɔnó alípú, isá akɔpú akinkín, mpɔnkɔsv adinkápú pú amú

† **19:10** Ntée Ɔnɔkwali amúú Yesu lébele ɔwan ámv téhá ahá bɔtetálí blí Bulu asón ámv ni.

mpɔnkɔ, ɔyító ahá, ɪwɪ agyíró, nkpábi, nyebí pú ahande fée aye.”

¹⁹ Inu nowun ání ɔbwíkítá-atɔ amu muɔ ɔsolósu awíe pú amó isá akɔpú fée bekpa aba bɔyókɔ ɔpɔnkɔ futútúsú ɔdɪnkápú amu muɔ mu isá akɔpú. ²⁰ Táme begyi ɔbwíkítá-atɔ amusu, bekítá muɔ mu ɔnósú ɔtáíró amú ɔtɔbwé osúna akpɔnkpɔntɪ mu ɪdátó ámu. Ofúla amu ɔlɔpumlé ahá ámúú ɔbwíkítá-atɔ amu nsuhíetɔ dɪn amósú, butosúm ɔkpɪ ámúú bɔpwe lian ɔbwi ámu ni. Bɔtswi ɔbwi ámu muɔ mu ɔnósú ɔtáíró amu wá ogyá paati kpɔnkpɔntiá ogyá múa atonkodu ihíe detsií mótó. ²¹ Ɔpɔnkɔsu ɔdɪnkápú amu lópu ɔdayí ɪya anyɔ ámúú ɪledali tsu mu ɔnó ámu mó isá akɔpú atráhe amu fée. Mbubwi amu begyi amó aye plíplíplíplí.

20

Bɔwa Ɔbunsám Ikan Nfi Ɔpím

¹ Inu nowun ání Bulu-ɔbɔpu ɔku lékplí tsú ɔsósú. Ɔde ɪlán klúklúúklúá ɪma ɔka sáafi pú ɪkan kpɔnkpɔntɪ ku. ² Ɔlekítá bótí, ogyi ɪwɔ dada amúú butetí mu Ɔbunsám ntée Satan amu, ɔlɔwa mu ɪkan nfi ɔpím-ɔkɔle. ³ Ɔlɔtswi mu wá ɪlán klúklúúklú ámɔtɔ, fin mú, wá mú ɔnó sáafi, ménɪ Ɔbunsám méétrá talí mlé ɔmá-ɔmá ámu. Nfi ɔpím ámu ɔma asa béle mu kpalobí.

⁴ Mú ɔma a, nowun awíe-mbíá ku. Ahá ámúú bahá amó ɔkpa ání bégyi asún ámu butsie músó. Nowun aha aku ɔkláa. Amúgyí ahá ání betɪn amó Yesu ɪwɪ adánsɪegyí pú Bulu asún ɔkanda só ní. Amó kén gyí ahá ámúú bumotsulá súm ɔbwíkítá-atɔ amu ntée mu ɔkpɪ ámu, bumotsúlá abɔpu mu nsuhíetɔ dɪnka amó ɔsɔkpɪ ntée amó ɪbaso ní. Bulu léha amó

betsinkí, amóa Kristo begyi iwíe nfi ɔ́pím-ɔ̀kole amɔ̀tɔ. ⁵ Amó Bulu légyankpá kósóa tsú afúlitɔ ní. (Awupó atráhe bɔ̀méetsinkí, nkéti nfi ɔ́pím ámu ilatsɔn.) ⁶ Bulu lóyulá mu aha agyankpapu amóu ɔ̀lɔkúsóa tsu afúlitɔ amu. Amó mú á, lowu nyɔ̀ɔsi amu ima amósó túmi. Bóbwe igyi ahapó há Bulu mu Kristo, mu amónyɔ̀ bégyi iwíe nfi ɔ́pím-ɔ̀kole amu.

Satansu Gyi

⁷ Nfi ɔ́pím ámu ɔ̀ma a, béle Satan obu. ⁸ Ɖ̀bédali yémlé ɔ̀má-ɔ̀má ání bɔ̀bu ɔ̀yi afonka ana, igyi Gog móa Magog amu, méni ɔ̀békpa ahá tsɔtsɔtsɔ́á buma iklátɔ buo iwí ya ísá. ⁹ Nowun áni benatí tsɔn ɔ̀yítɔ f́éé, káfiá Bulu ahá pó amó wúlu yiléá Bulu tekle, táme ogyá lekpa tsú ɔ̀súsú behi amó akɔ̀pú f́éé plíplíplíplí. ¹⁰ Inu bɔ̀tswi Ɖ̀bunsám amóu ɔ̀lemlé amó ámu wá obun áni ogyá móa atonkodu detsii mó́tɔ plɛnplɛnplɛntɔ. Mu ɔ̀bwikítá-atɔ amu pó mu ɔ̀nósú atɔ́pú afunupu amu bétsiá iwíɔ̀sintɔ ɔ̀pa onyé bré f́éé́tɔ.

Asóngyi Tráhe

¹¹ Inu nowun owíe obía futútú kpɔ̀nkpɔ̀nti kvá ɔ̀ku tsie mósú. Nwulótáa móa ɔ̀sulúu besrí sí mu, táme bɔ̀menya ɔ̀jaínkpá. ¹² Nowun awupó, nyehí ahande bulí owíe obía ámu ansítɔ. Bobwií nwulótɔ tswi. Bobwií nkpa ɔ̀wulú ámu étɔ tswi. Inu bɔ̀pu tóá nwulú ámu ileblí tsú awupó ámu bwehé iwí gyi amó asún. ¹³ Ɖ̀pu léle awupóá bɔ̀bu mɔ̀tɔ ba. Lowu mu afúlitɔ é bele amóá bɔ̀bu amótɔ ba. Bulu légyi okugyíɔ̀ku asún mu bwehé ɔ̀nó. ¹⁴ Inu bɔ̀tswi lowu mu afúlitɔ f́éé wá ogyá áni itamaduntɔ. Iní gyí

lowu nyɔɔsi ni. ¹⁵ Bɔtswi ɔhagyíɔha ání bɔmowun mu idá nkpa ɔwulú ámutɔ é wá ogyá ámutɔ.

21

Ɔsósó Múa Ɔsulúv Pɔpwe

¹ Inu nowun ɔsósó múa ɔsulúv pɔpwe, tsúfé ɔsósó múa ɔsulúv gyankpapu amv itráa ma inu. Ɔpu é itráa ma inu. ² Múú nowun wúlu wankíhé, igyi Yerusalem pɔpwe amv, idekplí tsú Bulu wá ɔsósó íbá. Bulu léhíhé mú fé ɔtsiá bawá mu ató wankláán, oyéfia mu kulu. ³ Nonu ɔme kpɔnkpɔnti kvá ilɛln tsu owíe obíá ámu asi ɔbéε, “Kí! Séi mú á, Bulu otsiákpá laba anyánpósatɔ. Obétsiá amótó, bóbwe mu ahá. Mu onutó obétsiá amótó, ɔbóbwe amó Bulu. ⁴ Obétsiá amó ntsú féé. Lowu ntée isú ntée ipian ntée asun wunhe koku é iméetrá tsiá, tsúfé atɔ dada amv féé ilatsun.”

⁵ Múú owíe obíású otsiápú amv lébli ɔbéε, “Kí, nde tógyítɔ bwe pɔpwe.” Múú ɔlelabláa mi ɔbéε, “Wanlin asún ánfɔ tswi, tsúfé mú féé íbu mótó, igyi ɔnɔkwali.”

⁶ Múú ɔletrá bla mi ɔbéε “Nabwé mú féé tá. Mígyí Alfa múa Omega, Ogyankpapu múa Ɔtráhe. Néha ɔhá ání ɔmewólɔ de mu nkpa-ntsu, ɔméεka mú íkɔ.

⁷ Nɔpu oyúla anfi há ɔhá ání olegyi isu. Nóbwe mu Bulu, mu é ɔbóbwe mí bí. ⁸ Táme afúpúá beyinkí mí ɔma, ahá ání bɔmɔhɔ mi gyi, mbusuo abɔpú, ahá amɔpú, mbua atɔpú, ató alapú, ikpi atswépu pú afunupu féé otsiákpá gyí ogyá paati kpɔnkpɔnti, ogyá múa atonkodu ihíé detsií mótó. Inu gyí lowu nyɔɔsi amv ni.”

Yerusalem Pɔpwe

⁹ Inu Bulu-abɔpu abasiénó amúú buɔe ablanwé asienó amúú asun wunhe asienó tráhe íbɔ mú

ámvto akule léba bebláa mi abée, “Ba, ansuna fú
 atsíá Okúfabi amv abá betsiá.” ¹⁰ Inu akpka
 mí Ɖhétó ya ibv fúáhé kpɔnkpɔnkpɔnti kusv, olo-
 suná mí Yerusalem wúlu wankíhéá idekplí tsú
 asúsú Bulu wá íbá. ¹¹ Bulu numnyam dewankí
 wólí wúlu ámvsv, ihíé dewankí húnánááná fé
 atsufolibi, ide ogyá kpa fé ahvhwéá mó ansító
 lowankí. ¹² Bɔpwɛ buntíi trihe fúáhé kv bómlí
 mó, ibv aklɔn akpɔnkpɔnti dúanyɔ. Bulu-abɔpv
 dúanyɔ bvdɛ aklɔn ámv onó gyɔ. Bɔwanlín Is-
 rael abusuan dúanyɔ ámv adá dínká aklɔn amsvv
 ikule-kule. ¹³ Aklɔn asa bv owí ɔdalíkpa. Asa
 bv owí akplíwíékpá, asa bv asúsú, asa é bv ayasi.
¹⁴ Beyi buntíi amv dínká abwi yíléyilé dúanyɔsv.
 Bɔwanlín Okúfabi amv sumbí ayɔpó amv adá
 dínká abwi ámvsv ikule-kule. ¹⁵ Bulu-abɔpv amúv
 ɔde mí asún bláa amv dé sika pepɛ oyíá butɔpósúsu
 ató. Ɖbɔpvsúsu wúlu amv, mó abuntíi pú aklɔn ání
 ilobomlí mó féé. ¹⁶ Wúlu amv swító pú mó teító
 féé igyi kékéɛ. Bréá olosusú mó á, mó swító, mó
 teító pú mó fvátó féé igyi máli ɔpím-akule lafana
 (1,400). ¹⁷ Inu olosusú buntíi amv trító é. Igyi
 ayabi lafanyɔ móa dúasie (216), nyankpɔsa ato-
 susúhe onó. ¹⁸ Abwiá igyi fé ahvhwé bɔpɔpwé
 abuntíi amv. Bɔpv sika pepéá tɔtɔ mɛfráa mó, igyi
 fé gláasi pwé wúlu amv. ¹⁹ Bɔpv abwiá ibv bíá
 ɔtsan-ɔtsan dúanyɔ wá abuntíi amv ntswiasí. Abwi
 ámv adá gyí, yaspera, safiri, agate, emerald. ²⁰ Onik,
 kanelia, krisolit, beril, topas, krisopas, yasint pú
 ametiste. ²¹ Abutó wvlihe fútútú wankláán dúanyɔ
 bɔpvbwe aklɔn amv. Iklɔn amv kugyíkɔ igyi butóbi
 fútútú kule. Sika pepéá tɔtɔ mɛfráa mó, igyi fé gláasi

bəpɔwá abrɔnɔ wúlu amɔtɔ. Fétalí kɪ tson mótó.

²² Mmowun Bulu ɔtswékpa kuko wúlu amɔtɔ, tsúfé Bulu Otúmípu amɔ mɔa Okúfabi amɔ gyí Bulu ɔtswékpa inɔ. ²³ Wúlu amɔ imehián owí ntée ɔtsra wankí mótó, tsúfé Bulu numnyam tɔwánkí há mó, Okúfabi amɔ é gyí mó ɔkandíe. ²⁴ Ɔmá-ɔmá bénatí wúlu amɔ wankitɔ. Ɔyító awíe é bɔpu amó numnyam ba mótó. ²⁵ Bɔméesin mú ɔnó aklɔn, tsúfé oklún ma inɔ. ²⁶ Ɔmá fée bɔpu amó numnyam pú amó obú ba mó. ²⁷ Tógyítá mú iwɪ metɪn, mbusuo abɔpú ntée afunupu bɔmóowie wúlu amɔtɔ, nkéti ahá ámós bɔwanlín amó adá wá Okúfabi amɔ nkpa ɔwolótó amɔ nkɔle.

22

Nkpa-ntsu Tsonhe

¹ Inɔ Bulu-ɔbɔpu amɔ losuná mí nkpa-ntsu ámós ilɔwankí fé ahuhwé ámɔ. Idetsóun tsu Bulu mɔa Okúfabi amɔ owíe obíá ámɔtɔ. ² Ntsu ámɔ ina brɔnɔ yiléá ida wúlu amɔ nsíné. Nkpa-oyí ilí ntsu ámɔ agbemgbe anyɔ ámɔsɔ, itoswíe abí ɔtsan-ɔtsan ɔtsragyíɔtsra. Itoswíe tsé dúanyɔ ofi ɔkɔletɔ. Mó afítáa é igyi afá há ɔmá féeétó ahá. ³ Tógyítá Bulu lalwíí mú méetsiá wúlu amɔtɔ.

Mboun Bulu mɔa Okúfabi amɔ owíe obíá obétsiá inɔ, mɔ asúmpú bósum mɔ. ⁴ Bówun mɔ ansító, mɔ idá é bédinká amó ɔsɔkpi. ⁵ Owí méetrá ta inɔ ekekekeke. Bóméetrá hián ɔkandíe ntée owí, tsúfé anɪ Wíe Bulu ɔbɔwankí wólí amósó. Bégyi iwíe bré fée.

Yesu Ibá

⁶ Inɔ Bulu-ɔbɔpu amɔ lébláa mɪ ɔbée, “Asón ánfɪ bɔ mótó, igyi ɔnɔkwali. Anɪ Wíe Bulu tée tóá íbɛba

suná mu onósú atáípú. Mwláwá mu abapu abée, abéle tóá íbéba nke ánfito suna mu asúmpú.”

⁷ “Kí! Imóowa opa néba! Owuló ánfito asún béba mótó. Mú su Bulu obóyulá ohá ání olegyi mú féesó!”

⁸ Mí Yohane lónu asún áñfi, nowun mú fée. Bréá nonu asún áñfi, nowun ató ámu é á, nemlí bun Bulu-abapu amúú olele mú suná mí ámu ayabito, mbée ansum mu.

⁹ Táme oetrá bláa mi abée, “Mábwe! Tsúfé Bulu osúmbi ngyi fé fúa fú apíó Bulu onósú atáípú, pú ahá amúú bégyi asún amúú bowanlín wá owuló ánfito ámuwu. Sum Bulu nkule!”

¹⁰ Múú olebláa mí abée, “Mápu ato lesúnáhé anfi nájín, tsúfé mú bábi lafon ta. ¹¹ Ha lalahé abwepú oyo mu lalahewesu. Ifintó otsiápu otsiá mu ifintó, yilé abwepú é okita mu yilébweto. Ohá ání abée, mópu mu iwí há Bulu osii mu iwí ha Bulu.”

¹² Inu Yesu lébláa mi abée, “Kí, imóowa opa néba! Nebá íkó okakpá. Néka ohagyíoha íkó mu bwehé onó.

¹³ Mígyí Alfa múa Omega. Ogyankpapu mua Otráhe, asi Otsuápu pú onó Omopú.

¹⁴ “Bulu obóyulá ahá ání bude amó atadie fwí, méní bétalí nyá okpa tsun wúlu yilé amúú íbá ámu onó wíé mótó yégyi nkpa-oyí ámu abí. ¹⁵ Akíai obésin íban ámu oma. Amó gyí; ató alapú, mbua atopú, ahá amopú, íkpi atswépu pú ahá ání butekle afunu, butowá mú é fée.

¹⁶ “Mí Yesu láwá mí abapu mbée, obá bebláa fu asún áñfi, afopubla Akristofó opasua ámu fée. Mígyí Owíe Dawid mu na, mu ató ogyípu pú Bake Otsrakpabi wankíhé amu ni.”

¹⁷ Inu Bulu Ohé ámu pú oká papwe amu beblí be, “Ba!”

Ohagyíoha ání onú asún áñfi oblí abée, “Ba!”

Ọhagýíọhà áńí ọmẹwúlí dẹ mọ ọbá. Ọhagýíọhà áńí ọdekłé ọbá, Bulu okie mọ nkpa-ntsu ámọ.

Itráhe

¹⁸ Mí Yohane, nde ọhagýíọhà ọlá da kpákpáákpá. Mbéé, ní ọkọ lónu atọ Ɖesúnáhé ọwúló áńfító asón, ọlọpọ kọ tsía mótó á, Bulu é ọbéha ason wunhẹá ọbọ ọwúló áńfító ọbéba mọsọ. ¹⁹ Ní ọkọ é lẹlẹ tọkọ tsú ọwúló áńfító á, mómó Bulu é ọbéle mọ ogyíkpa áńí ọbọ nkpa-oyí ámọ pọ wúlu wankíhé amú nọwanlín mọ ọwí asón wá ọwúló áńfító ámọtọ.

²⁰ Ọhá ámú ọdẹ ntobí áńfí ọwí adánsíe gyí ọnọkwalısọ ámọ ọbéé, “Ee! Imọwa ọpá néba!”

Amen! Owíe Yesu, ba!

²¹ Aní Wíe Yesu ogyíi Bulu ahá bọale!

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

01b09958-fa53-51d1-aae0-88c7e9302503